

知稼翁集

黄公度

文硕阁

wenshuoge.com

目录

关于我们	3
提要	5
知稼翁集原序	6
知稼翁集卷上	7
知稼翁集卷下	34
词律补遗	62
知稼翁集跋	63

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

提要

【臣】等谨案知稼翁集二卷宋黄公度撰公度字师宪莆田人绍兴戊午进士第一历官考功员外郎文献通考载公度集十一卷卷端洪迈序称公度既没其嗣子知邵州沃收拾手泽彙次为十有一卷卷末载有沃防亦称故笥所存涂乙之余才十一卷均与通考合又通考词曲部别有公度知稼翁词一卷合之当为十二卷此本为天启乙丑其裔孙崇翰所刊称嘉靖丙午得于陕西谒选人乃前朝秘府之本尚有御印然并词集合为一编仅一百三十四页分为上下二卷似不足十二卷之数岂尚有佚遗欤公度早掇巍科而卒时年仅四十八仕宦不达故宋史无传肇庆府志称其为秘书省正字时坐贻书防官言时政罢为主管台州崇道观过分水岭题诗有谁知不作多时别依旧相逢沧海中之句时赵鼎方谪潮阳说者谓此诗指鼎而言遂触秦桧之怒令通判肇庆府云云殆亦端慙之士不附时局故言者得借赵鼎中之欵其诗文皆平易浅显在南宋之初未能凌蹀诸家然词气恬静而轩爽无一切湍涩齷齪之态是则所养为之矣公度别有汉书镌譌今已佚此本从他本掇拾二段并佚词一首附之卷末今亦并录之焉乾隆四十二年六月恭校上

总纂官【臣】纪昀【臣】陆锡熊【臣】孙士毅

总校官【臣】陆费墀

知稼翁集原序

乾道五年冬顺昌令黄君沃书抵中都来告曰先君考功力学半世虽得一第而仕不克显平生所为文仅十一通愿得序引以冠其首余方备机政未暇也越明年出守长乐郡复多事少暇隙又明年顺昌使其弟洧来责前诺仲秋既望积雨乍晴天气澄爽退食郡斋因取考功文徧观之典重温雅如其为人其诗格律森严兴寄深邃虽未尽追古作要自成一家间与予里居唱和数篇余读而深悲之公以文章魁多士有盛名于时胷中洒落议论宏壮识者期之甚远而官止外郎年四十八以殒所以传世垂后者止此而已是可伤也昔白乐天与元居敬善及序其遗文有曰黄壤岂知我白头犹念君唯将老年泪一洒故人文执笔怆然盖有感于斯言公讳公度字师宪戊午同年进士也莆阳陈俊卿序高宗一马化龙讫于防位自丁未至壬午三十六年间策进士数千计擢居大龙甲者十有一人科名巍峩副以属望视富贵岐轍若长风挂席一息万里于是文靖梁公至宰相景明陈公冠枢极位尚书者三汪圣锡刘文孺王宣子也它侍从者五李顺之张子韶赵庄叔张安国王 龄也惟莆田黄公师宪名声最卓卓而财至尚书郎寿不满半百梦幻覆手天殲此良大车云徂出门折轴人到于今伤之爰初登第以行卷忤秦相君旋为赵忠简公礼接益衔之弗舍坎 摧握无复有为天下惜人材之意一旦遇主则死及之呜呼公既以词赋压英躔故于诗尤精大氏铿锵蹈厉发越沈郁精深而不浮于巧平澹而不近俗与强名作诗者直相千万风檣阵马不足呈其勇犀渠鹤膝不足侔其珍悲秋之句曰迢迢别浦帆双去漠漠平芜天四垂雨意欲晴山鸟乐寒声初到井梧知吾不知谪僊少陵以还大厯十才子尚能窥其藩否公既没其嗣子邵州君沃收拾手泽彙次为十有一卷诗居大半焉它文悉从肺府源深流长迨乐府词章宛转清丽读者咀嚼于齿颊间而不能已惟其不沾于用身不到銮坡凤阁中铺扬太平之闕休其所表暴如是而已魏国陈丞相既序其首而邵州又欲予赘语于后忆四十年前与公从容于番禺药洲之上予作素馨赋公盖戏而反之异于不相知闻者兹不宜辞若平生事业则有叅知政事龚公吏部尚书林公之铭在庆元二年十月庚申焕章阁学士宣奉大夫提举隆兴府玉隆万寿宫魏郡公鄱阳洪迈序

知稼翁集卷上

宋 黄公度 撰

赋

省试天子以德为车

治盛天子尊临帝居每安行而在德遂取用以为车独操驭世之权履兹寶位克广长民之道端若安輿夫惟上纂洪图俯绥赤子外以动化于羣下内以操脩于一已正宸心而御极其术何先运大德以为车莫安于此岂不以贵主大器富包普天一猷为兮立兆民之表正一号令兮举万国以风传是必动有彝训事无过愆稟聪明睿智之资坐而抚御体笃实辉光之大用以周旋由是俨万乘之威仪耸羣方之瞻视为輶輶以寓其赏罚谨銜辔以张其纲纪恭俭无尔伪之载忠信有在衡之倚其用若是非德曷以言无不听前瞻进善之旌政在必行下顺纳民之轨懿夫名德之輿也名久必泯权主之车也权倾则危曷若此厚以载物动而中防同五帝以载骤与三王而并驰世底安寧之治上无颠覆之为出必自于圣门靡闻过举行每遵于王路防蹈非彝故得仁义由行兮虞舜与稽圣神广运兮唐尧是则器蔑小人之盗輿有君子之得侍从仆御无非正乘岂假于王良出入起居防不钦諫何烦于广德厥后循治轨者世乏显显蹈覆辙者日益駸駸不能任重而 遠岂知执古以御今以至化不流行无复置邮之速治亡只惧徒嗟朽索之临上方慎保基图务绥黎庶中以视履动而顺豫既无陨越之失又絕奔驰之虑然则有大物者无他在审其御

解试和戎国之福

上圣图治遠戎请和民获安而不扰国膺福以滋多俯亲庶俗之情信行蛮貊诞保有邦之祐时戢干戈尝闻帝王盛时无不抚绥中夏治失其术则咸尚诈力御得其道则悉归陶冶惟天子脩盟讲好德莫厚焉俾戎人稽首称藩国之福也莫不肤使交聘丹诚遠通厚赐之子女玉帛俾脩其朝覲防同用珪章而结好无甲冑以兴戎我无诈而尔无虞遐隄内附灾不生而祸不作百顺来崇时其万国怀柔四方澄寂内不耸于边鄙外不扰于强敌措乃国于 鼎脱斯民于锋镝良由礼招攜而柔服故得道建极而敷锡揉兹荒裔俾为不二之臣介尔中邦永保无疆之厯大抵异域之情兮乍臣而乍叛中国之治兮或替而或升征之弗克者尚且闻于败防絕之弗通者犹未免于凭陵曷若此无老师而耀武无好战以矜能下有方来之比福如川至之增所以事彼昆夷果见周家之盛防于戎子因知晋室之兴彼有汤后征南宣王伐北或隆肇造之业或启中兴之德虽曰奉天而 讨岂不蠹财而伤力必也礼怀遠裔道交邻国巩王业以永固祐圣时于防极彊裘气暖行观塞草之长沙漠风清坐见边烽之熄前古既遠后王不思惟务力制类非德绥侯空号于定遠将徒劳于贰师闭玉關而谢质者不闻世祖罢朱崖而切諫者无复捐之殊不知秦帝喜功必底乱亡之患武皇遠略迄成虚耗之危上方施彫泽以抚绥冀羣心之辑睦务使迓安而遠至蔑有兵穷而武黷故勤勤然诚意以通和駢臻百福

解试贤人国家之利器

贤进在位时称得人为国家之利器实社稷之名臣挺生命世之英素韬大业推作有邦之用宰制羣伦惟王以一己之微受四方之寄谓万机尤难于独断非众材孰与之共治顾此先知先觉是谓真贤施诸有国有家兹为利器文武兼备功名两全国论未当兮断制尔待政体未善兮剴裁尔専基永隆于不拔患潜消于未然足倚大事斯为巨贤五百年哲匠间生才名不世千万里遐冲坐折英锐无前挺竒草泽之间露穎岩廊之地昔之穷也固尝蓄锐以待敌今之达也詎可藏锋而避事故或小而制锦兮恢恢游刃之施大而补袞兮恪恪官箴之备隐而未见姑为囊穎之藏动则有成岂若铅刀之利彼有称为大寶者盖有取于瑰竒号以重器者示可镇于倾危未若此刚节素稟坚忠不移厉其锷则清廉之操淬其铉则智勇之资其用若是何利如之倘令追琢文章词锋益锐假使削平祸乱智刃攸麾兹盖有学校渐摩兮与之陶成有爵禄砥砺兮使之勉飭动每济世功斯利国専外阃则排折患难立中朝则剪锄奸慝良由上圣之善任遂使百工之効职邦有史鱼之矢直道而行邑皆言偃之刀歌声不息厥后任文吏者但事刀笔为武士者孰宣爪牙位徒叅于上列利何补于公家譬终日操锈而薄効不就虽穷年用力而寸功莫加遂令颂激王褒铸将求于巧冶赋陈贾谊钝切叹于镆鄴惟古圣明求兹英俊以敌忾则援干櫓于礼义以御侮则全甲冑于忠信由是而治天下焉其有余刃

诗

僊霞道中阻雨

薄暮雨霏霏归心恨不飞客程三日阻家舍半年违涧澁水争道山空云触衣凭谁洗光手取出太阳辉

题金沙驿

闽越饱溪山何如蜀道难驿行仍怯岭舟驶复忧滩行李三秋杪居民百战残今宵投宿处茅店倚层峦

过使华亭悼七友【縁赴试漕台覆舟于此】

恶石乱峥嵘胡为君此行功名成底事舟楫悞平生天遠寧容问滩流本自鸣林猿如防意故作断肠声

奥村晚望

山逐寒云断天随暮靄低稻畦迷上下樵径自东西故国存书劒他乡尚鼓 涓埃期补报未敢卜幽栖

初秋夜坐

纳凉北窗下景象有余清林暝惟萤影庭幽但竹声语阑惊坐久露重觉衣轻不寐饶诗思徘徊参斗横

久雨阻西郊之游

忽忽春将半防雨未休过从喧 齿追赏负觥筹诗句那排闷鶯声巧唤愁晴郊饶胜防何日许同游

和宋永四兄集句【咏】

时事干戈里年光卷帙中有怀忧社稷无力靖华戎世路日多梗斋扉昼掩蓬悲歌抚长剑爽飒气摩空

防同年共乐台

兰省三千士莆阳十五人此时乡曲防异日庙堂身名塞乾坤隘恩沾雨露新天边三鴈远回首独凝神

贺孙使君【苾】

文宿动三吴于门应大儒中秋寒律近九叶瑞蓂敷锦被栖郎舍朱幡镇海隅金螯淹从橐铜虎暂分符德荫纷桃李仁风暖袴襦祝公椿寿永千岁赞萝图

次韵宋永兄伤时二首

举目江河异伤心汉阙低未闻军折北谁复将征西志苦甘尝胆身先愿执鼙时惟王事急六月尚栖栖目断吴天远魂飞楚塞低六龙巡漠北万骑绕淮西寒月笼烟燧霜风递晓鼙征夫蝴蝶梦休傍故园栖

和徐子由【壽仁】题昼寂轩

木落孤城迥苔封古寺深结庐依近地隐几愜幽心细草秋仍绿脩篁晚更阴红尘门外路六轡漫如霖

戏集老杜句再和

背堂资僻远要路亦高深未负幽栖志回看不住心寒花隐乱草飞鸟度层阴独绕荒斋径新

诗近玉槩

次方咨谋【畴】韵贺郑宋英弄璋

渥洼产龙种筦簟兆熊禧木星光芒舒紫焰玉出昆山珠出隋徐卿忧何有于门高可期啼声已识是英物成立行看少壮时瓦盆盛酒醺四座我独不许陪宗支眼穿难望防牙齧吻燥不沾荷叶卮涓滴于人甘分絕枯肠强索祝儿诗祝儿效张良熟读韬铃为帝师祝儿效陈平磊落胸中吐六奇天骄捧首遁漠北岂容郊垒尚累累勿效文章身者画饼虚名天下知

松峰庵即席示同年

才子连鑣附近垆霜风散逐马蹄轻芳樽屡约同年防要路行看异日情境僻却嫌丝管沸坐阑转觉笑谈清松峰自此宣高价不使慈恩独擅名

俟诸同年和章久之无耗再用前韵

劳君携酒出郊垆强缉巴词醉墨轻我辈讵能捐习气伊人底事寡诗情漫令拭目朝朝望无复挥毫字字清冷淡生涯殊不恶想应着意讳穷名

庚申元旦

茧足度残腊回头又一年文书疎病眼事业付高眠盥栉从朝懒衾裯觉夜便南隣竞春色车马日喧阗陪孙使君宴归路口占呈应求宋永二兄

五马风流在升平笑乐空时难寸心异歲晚一樽同角寒云外蓝舆暮雨中归来狎儿女残烛耿纱笼

早春红梅盛开有感

不与雪霜分素艷却随桃杏竞芳辰自知孤洁羣心妬故着防红伴早春

少年桃李竞青春回顾寒梅已丈人强欲施朱迫俗好谁知翻是失天真

正月晦日寄宋永兄

万事萦心空歲月一分春色已尘埃檐前雨脚何时断陌上遨头几日来寒束幽花如有待风延啼鸟苦相催明年此防各南北趣取官闲共酒杯

和陈应求【俊卿】韵兼呈方次云【翥】

策蹇冲泥到野扉故人相对破愁眉话因别久卒难尽情逐杯深那更辞十里云山乖素约一番桃李负幽期萧萧半夜空阶雨乱滴枯肠百斛诗

次云见过留宿有诗因赓其韵二首

茅舍嚣尘外青灯笑语中相逢今夕欸忽忆去年同瓶澁倾无绿炉寒拨更红卧闻窗雨响檐溜受斜风惜别情无赖狂吟意有余桺尊闲院落花柳暗村墟行乐真聊尔论交莫后予裹粮山下约来往未应疎家僮归得王庆长【宓】消息知留浙中秋举

倦仆去复返怜君归未能吟余幽砌月梦破短檠灯地僻人稀到书成鴈莫凭秋风霜翮健天未看飞腾

春日怀王庆长

夜雨才霑地朝晖已照墙润畦舒菜甲暖树拆茶枪敌骑沙磧關河息战塲王孙绿底事萍迹久他乡

久不得浙耗

独酌浇愁酒慵翻信手书折腰行俗吏投足且吾庐歲月莺声老江湖鴈影疎依栖五侯第旅食近何如

贈弟稚圭【桂】別

行色动高盖题诗寄短笺离亭春草外吉水暮云边雕鹗抟霜翅骅骝受玉鞭槐黄湏努力好语及秋天

寄呈察推二兄廷直【埴】

尺素书凭鴈足传侧身吟望楚江边關山去我仍千里风月思君阅二年莲幙宦情今好在莆川春色故依然相逢若问官闲事为道麤裘饱昼眠

漫成

时事含胡里年华转烛间利名多噂沓贫贱觉安闲主知无术归休幸有山茅堂一尊酒时得慰愁顏

千里共明月

僊掌露初凝高空月迴明雪霜千里色關塞一时情永夜惊乌鹊中原有弟兄清辉怜独对良防苦难并目断一天遠愁随两地生倚楼何处笛凄切送残声

鸟影度寒塘

秋色满潇湘天寒 鸟忙数声离疊嶂片影度横塘风翻转寥廓烟踪入 茫乍随萍苻没还共水云长冷浸千寻碧斜侵两岸霜凝眸西塞遠踈防带残阳

和余子美【洵】即事二首

昏昏午汗浹桃笙醒眼清诗仗友生俘馘遥传泮水捷檠书初解杏坛盟开尊頼有论文酒舍肉应无遗母 好种桑麻归杜曲行藏休更问君平

黄堂归去葛衣轻怪底 容太瘦生抖擞怪囊偿酒债安排嶮韵主诗盟妖韶梅老自余态滋味韩休薄大 强策驽骀追逸驾不堪才力但平平

夏日陈应求见访

酷暑避脩竹繁陰侵短楹 骸方枕簟车马忽柴荆对酒情无极哦诗韵更清昏鸦催别急天末片云横

苦热

玉井晨不冷茆檐午欲焚月摇看 簷榴吐认红裙迥野都如火奇峰空白云衣巾负芒刺曝背有人耘

秋兴二首

秋入蒹葭霜正威数声归鴈塞痕微欺人白髮萧萧得未老丹枫故故飞朔野 黄多战骨江湖风雨一蓑衣百年簞饭从衰朽万事尘寰有是非

牙义老木抱江城城古江寒相对清云鴈不逢音信杳沙鸥无数往来轻露华今夜凝僊掌词藻他年动帝京淮海一身犹卧病關河千里未休兵

和宋永兄咏荔支用东坡 字韵四首

枝头血色万年萍错落横天粲彗星昔日杨姬劳走驿一时王姥欲俱 浪传石蜜来他域巧似 瑚出涨溟僊种世传工益壽饱嘗端胜衛生经

蜜咭谁数楚江萍枉道偷桃是歲星长夏日烘怜国色去年霜薄赦秋刑侯堂旧许祠南海使
驿曾劳走北溟名种尚堪重品第未甘陆羽着茶经

脩竹繁阴覆綠萍压墙朱实鬬星星明珠落掌骊龙睡丹殼归盘白马刑曾指 图夸北客至
今渍蜜动南溟可怜伦父流涎久何日乌山始一经

一时红紫逐飘萍风雨残枝尚缀星西国葡萄甘仆 白家踟躅强仪刑谁移僊种从丹府不
使灵苕遍八溟大业豪华今寂寞佳名空着海山经

寄林谦之【光朝】

冰壶玉塵逼人寒忽漫过逢豁肺肝千载有人扶古道一时倾盖尽儒冠不妨我辈诗肠在要
取他年酒量寬万卷白头成底事贩屠之辈任艰难

方次云伏枕久不入城独宿知稼堂有懷

吹笛清宵何处声隔窓斜月听人行梦回案上青荧火魂断城头长短更三伏故人怜卧病百
年薄宦任浮生春风尚忆茅堂话相对哦诗天未明

贈日者黄明遠

幅巾别我五周星今日相逢眼暂明一第男儿身自 曾将踪迹问君平

迓泉守晚宿囊山

山木转斜晖秋风动客衣露华侵坐冷星宿傍檐稀楼迥钟声隐更长烛影微年来倦奔走早
觉利名非

慈竹

慈竹阴初合新梢翠欲流晚摇千尺影冷撼一堂秋笋迸苔痕折叶防山色幽鳳凰栖息稳端
为此君留

返照

返照隱西山烟村一水间路长人自急林暮鸟知还枫巷秋长扫蓬門夜不關风尘犹剧盜歲
月但催顏

倚薄

茅檐供倚薄藜杖费扶携天入平芜濶山含宿霭低树声风便旋野色晚凄迷容易营生事秋田稻欲齐

迓杨守宿九峰

木落闽山暮云深野寺秋寒花空照眼浊酒不禁愁宦拙羞奔走时危且滞留回廊供徙倚万虑寄防搜

偕方次云饯孙守月下同归戏成

北陌争迎丞相车南郡新分刺史符弩矢纷纷夹道趋旌旗猎猎照通衢一时冠盖事奔走车马不许停斯湏贤愚贵贱俱物役始觉名利真区区我亦年来忝簪绂苛礼羁人日湮汨往来叨沐主人恩陶母不恡千金发平明联辔逐西风归路三更踏明月解貂野店貰浊酒醉罢高谭偃溟渤风尘薄宦君勿悲犹胜低回塲屋时乌防白袍青竹榻短檠终夜照红蜡

奉别王宰先之

尽角城头绕怨音秋风握手别杯深三年故国相从地万里青云欲别心醉罢林霜催菊老梦回江月转棠阴预愁晓色离亭外衰草撩人思不禁

醉中别李元防【字】

同云幕幕暗前山急雨飏飏酿小寒桃花欲开尚羞澁梅梢已老半阑 话别一尊休草草丈夫相识期岁老绋袍万一未防情春风莫惜归来早

和陈应求春日见寄

满目繁春事题诗寄所思轻寒欺酒力宿雨褪花姿经世知无术追欢要及时郊原賸晴景莫负去年期

和余子美春日缓步

道屈时危且茹藜不妨去鲁尽迟迟一轩容膝分蓝字十里携筇闯麦岐杜老皓头真可惜陶潜知命更奚疑干戈淮上无消息愁絶南山独步时

山行即事二首

落石奔沙岸頽云拥树根牛羊千古道鸡犬数家村风递隣春急春归农事繁生涯随处乐翁妪话柴门席改尊犹在心间 自迟角巾欹短树风带 踈篱作难忧强敌全生混野麋晚来

幽意愜归路恐多

宿鸛峰庵题壁兼呈林孚卿【桴】诸友

抱被招提听晚钟昔游回首七春风
斩新花木轩窗外依旧楼台烟霭中
永夜篝灯元自照故人尊酒偶然同
明年此日看腾踏先数班杨赋律工

和龚实之【茂良】闻戎人败盟

请纓未快终军志置火湏然董卓脐
列郡奔驰喧羽檄圣朝哀痛下芝泥
盟寒關陇无来使春晚江淮有战鼙
十载枕边忧国泪不堪幽梦破晨鸡

和宋永兄春日闲居

负郭浓春事高斋辟晓闌晴云浮越峤
芳草接荆蛮禄薄难长饱才防分久闲
年华兵甲里吁骇镜中顏

喜雨

皇天嗇甘泽为农生理休哀哉桑麻瘁
得意蓬蒿稠一夜溜檐雨晓屋喧鸣鳩
惊涛注空壑秀色溢平畴田舍无宿储
及此寬百忧陌上谁家郎惟恐阻春游

偕徐子由余子侯陈应求游虎丘巖偶题壁韵叶因分字联句

一室函沧海羣公半列侯【余】放怀追许谢
洗耳笑巢由【徐】花暖蜂相趣泥香燕自求
【陈】杖藜穷胜境染笔记春游【黄】

题翠峰寺西轩

寂寂春葩映短墙半山松竹奏笙簧
无情幽鸟背人去不惯村童笑客狂

送龚实之赴官南安十韵

气合论文地魂销惜别筵离亭芳草外
飞盖落花前北阙旧通籍南州先着鞭
郤诜丹桂早莱子防衣鲜侧耳聆佳政
成名及妙年因风能见忆得句防湏传
筮仕聊栖棘弩才阻泛莲交情期歲晚
防面数秋天莆水浮春树桐城际暮烟
龚黄真忝窃末路共騰騫

暮春山间

缓步春山春日长流莺不语燕飞忙桃花落处无人见濯手惟闻涧水香

闲居

一水遶能白羣山陰更青静怜风细细闲任雨冥冥春色供多病时情畏独醒平生忧国意客至问朝廷

次韵余子侯游石泉

竹杖防鞋意自便薜墙莎径色相鲜平畴涨麦云连海絶壁蟠松盖倚天竟日虎巖延眺瞩何时蟹井费攀縁归来幽独不成山月侵廊钟韵圆

秋日晚晴懷南山旧游

霁色孤城外秋声独树边烟云澄遠屿风月平川戎马休何日登临忆去年吾曹得踈放醉墨洒层巔

寄方次云

近有清源信官期报早秋时危从薄宦情在惜同游簪笏趁新幕棐书别故邱君能访茅宇尊酒话离愁

悲秋

万里西风入晚扉高斋怅望独移时迢迢别浦防双去漠漠平芜天四垂雨意欲晴山鸟乐寒声初到井梧知丈夫感慨關时事不学楚人儿女悲

和郑叔友【厚】题真如

南郡趁新幕防官媿野人客怀投寺晚归梦到家频歲月看蓬鬓尘埃听葛巾相随一杯酒且慰百年身

和方次云至日作

至日空相忆何时复此来素书烦蜡炬往事付寒杯梦破风惊竹诗成雨绽梅江城低婺女回首亦劳哉

上汪内相【藻】生日

天意恢炎 星躔降昴精典 存大雅领袖属名卿出入三朝旧青冥万里程磨铅周太史视
草汉承明词采今宗匠艰危急老成 旒方侧席高纛尚專城卜筑祁阳外悬弧晋水清先君
桃李荫比屋袴襦声昼永黄堂梦春晴綠野耕日边稽召节幙下及称觥盛业期伊吕脩龄颂
老彭一麾难久借四海欲休兵

送郑察推叔友罢官之潮阳二首

官达身何补才名陆未沉不妨吾道在休较吏文深城郭春将暮风云晚更陰相看炎海阔魂
断欲分襟春草故人去落花离绪多芙蓉少顏色蕙苕尽风波尘土非长策功名一醉歌周南
暂留滞莫改歲寒柯

和蔡司法【赏】南安之什

一夜晴风吹晓霞平明联辔踏飞花岚光且对圣贤酒世事仅同蛮触蜗簿领迷人春易老渔
樵满地昼无哗登临未饱溪山兴归路星星月照沙

春雨中防西山佛迹

自喜平生山水心公余犹及此登临云埋古寺钟声遠花落空村烟雨深是处芳尊追胜槩几
人寒勒度疎林都无春色一分在况有尘寰万虑侵

陈晋江以壬戌四月上澣宴同僚于二公亭

百年遗址俯郊垆十里苍波带古亭隔岸楼台春去遠滿湖烟雨酒防醒苔碑缺落庭松老野
鸟去来汀草青风物不殊天竺路扁舟髣髴旧曾经

越十日陪使君汪内翰复来

雅制初仍旧佳名留至今城依刺桐古亭入芰荷深尊俎宾僚集旌麾刺史临自公多暇日及
此豁尘襟

再别郑叔友兼寄方次云

鞍马侵三伏萍蓬寄一身及秋归计早到日附书频炎岭休长客清漳有故人过逢如问信为
道各埃尘

三月三十日郊外即事

雨积稻畦白晴添麦垅黄野桥排鴈齿山路转羊肠鸟语有时好田家随事忙一年春尽日身

迹更他乡

夜坐梅树下率尔

羌吹宣重簾胡床近小台轻轻云片度淡淡月华开壁暗雨留藓庭虚风落梅纳凉公宇防清夜兴悠哉

和汪端中陪府君游东湖

汉家虎玺重分铜釜坡仄直金莲红海角疮痍烦大手循良不愧古人风偃蹇霜风铃阁寂防茸春色圜扉空为郡风流见前辈隙日车盖飞城东鳌首虚亭未泯灭骚人古意无终穷香风十里菰蒲外喜气一城尊俎中中原景物久荆棘南渡衣冠随梗蓬此地文符古防盛观略与承平同腐儒谬忝无双裔声价遽慙吾祖童青衫幕府困奔走頼有新诗为发聳

晚自东湖携藕花归儿辈争插盆池香艷不歇亦供两日嗅翫因成

恠底儿童无远圖埋盆注水插芙蕖人心不作非真想便觉东湖入座隅

壬戌中秋防檄行县与龚实之同宿于桺泉轩

摇落江城暮招提访旧游泉声终夜雨竹影一堂秋露湛衣裳冷山空枕簟幽故人怜寂寞抱被肯相投

实之有诗复次其韵

鞅掌从王事招邀媿主人弹棊秋叶落听雨夜床亲歲月何妨纪诗篇莫厌频要令千载下不但数姜秦

早发延福道间偶作錄呈

夜宿姜峰寺晓投刘店村秋光随杖屨逸兴满郊原短句时时得何人细细论鳳凰山下约回首欲飞翻

陪实之登姜峰絶顶镌石

抱琴历高峰拂石就晚阴空山对摇落怀哉千古心

郑山铺用实之韵

一溪清浅抱山根山雾溪烟白昼昏负郭可能无五斗肩輿何事走空村

晚泊桃源驿奉懷幕府诸公

鞍马泊孤亭人烟接古城半村留晚照万壑送秋声风月思 度文章媿长卿桃源何处在山驿至今名

秋旱热甚尤苦登陟輿中戏成

少皞不用事八月犹苦热南方本炎蒸况乃甘泽阙雨师弛厥职旱魃逞余孽金石铄欲流污池 甲裂稼穡亦已休田家生理絕敢意筑场圃渐闻罌瓶竭租斂数有恒不为愆阳辍州县急鎗铄鞭撻动流血吁嗟号帝阍此语何由彻空村巫覡舞灵祠香火谒水旱制于天祈禳恐虚设尝闻桑林祷爪牺亦清洁万国防为鱼尧德岂其劣但令备先具难必沴气灭江淮十万兵仰口资餽辙太仓无宿储有司忧百结腐儒从薄宦篮輿走巉巖王事有严程亭午不得歇林乌呀无声仆夫屡告喝焉得变 冬陰厓踏层雪

宿齐云寺

行李秋将老停鞭日已西深村见人少孤寺与云齐试问霑防禄何如返故栖鸡鸣不成寝乘月下清溪

题凤凰寺

一代衣冠霸业休半山金碧梵宫留伤心废宅松榆老满日寒塘菡萏秋马鬣未平余葬地蛾眉不见但妆楼凭高欲问豪华事耆旧无人僧白头

凤凰夜坐联句

月黑前村笛风清俯檻槩老苔虚殿闭乔木故宫深宿鸟依丛树疎钟出断林夜堂留暑湿秋谷半晴陰事业惟欹枕尘埃一散襟劳生倦奔走遠目寄登临割据当年事英雄万古心青山空白骨华屋漫黄金酒薄何劳醉诗成不废吟艰危多感慨时序苦侵寻

题凉峰

倚杖清秋遠弹琴白昼长笙箫离馆废云木晚风凉往事空流水归心满夕阳相逢惜分手珍重故人觞

题云台寺

西风城郭尚炎威
竟日琴尊历翠防
红尽秋林枫正落
凉生晚寺雨初飞
相从歲月交情旧
此去尘埃防面稀
往事惟余故侯塚
白杨衰草露霑衣

闻太母还輿喜极成歌

呜呼祸变稔前朝
都城千雉摧天骄
翠华北征沙漠遥
六宫万里从翠輿
我皇龙飞守宗祧
周宣汉武见今朝
问安眎膳阻夙宵
位极万乘心何聊
大哉圣孝回天眷
万类革心非革面
天边驿骑急星电
传报輿涉淮甸
小臣喜极手欲扑
乾坤一夜欢声遍
遥想千官防星弁
拜舞称觴长乐殿

题大盈驿壁【六言】

西风落莫空馆暮
色迷防遠岫家近
不妨酒尽夜寒 怯衣单

和李元防【字】艷歌

凉风愜人如故旧
客燕残蝉度清昼
摇落三秋楚泽悲
相思一夜东阳瘦
愁连黛入眉山重
犹忆去年和泪送
鱼沉鴈断消息稀
频来惟有清宵梦

拟上张丞相【魏公】

五闰干戈极炎晖
历数新析圭绵六服
卜鼎迈千春哀痛朝
奸稔夤緣国步屯
近畿横彗孛严禁
失钩陈魏绛谋和
敌包胥日哭秦翠
华旋北狩清蹕且
南巡雾塞纷铜马
祥开表玉麟官军
推大弟耆老赴仁
人唐祚兴灵武昭
王问水滨悲纏刁
斗急警报羽书频
關辅腾骄子朝廷
倚大臣梦符岩肖
說天祐岳生申濯
濯襟灵迈温温德
业纯家声真不坠
庙略信如神行洁
圭无玷心坚竹有
筠苍生出涂炭黄
屋待经纶苏峻称
兵日姬公复辟辰
祚危旒在缀主辱
涕盈巾诸将趋行
殿孤军入帝闥乾
坤收淑气淮海霁
烟尘尊俎辞枢极
旌旄下蜀岷霜棱
函谷外春色锦江
濒流马通飞漕推
锋截要津荣亲万
钟禄许国百年身
盛烈刊彝鼎丹忠
薄昊旻流言初抵
隙积毁竟排真感
激回天眷须防秉
国钧精神千载防
霖雨八方均晓几
趋环佩朝班领搢
绅荆蛮淹月定戎
骑暮年驯奉韶移
瓿越承恩拜紫宸
地遥分虎节日暖
想龙鳞颍上归黄
霸河间借防恂台
衡期必复风俗再
还淳叹惜寒门士
叨陪上国宾雕虫
慙小技连蹇分长
贫短剑秋仍抚残
灯夜更亲曳裾胡
不可投壁惧无因
海运鹏孤翥泥蟠
螭未伸济时公努
力宇宙久荆榛

惜别行送林梅卿【大鼐】赴阙

刺桐城边桐叶飞
刺桐城外行人稀
客来别我有所适
问客此去何当归
林卿妙龄才秀发
胸中万卷 溟渤家
声合沓盖九州里
第嶙峋表双阙竭
来试吏天南方骥
紫焉能骋所长梅
僊脱身东市卒杜
老落笔中书堂传
道淮壖减豺虎政
须礼乐事明主之
子轩轩霄汉姿好
向春

风刷毛羽

送汪内相移镇宣城

龙纪膺圖代 书出洛年人文初炳焕神化共回旋大雅藩篱缺诸儒门户專天将扶古道岳始降名贤 别轩皇遠江回楚邑偏英灵久蟠郁簪笏旧蝉联家学传桑砚词场着祖鞭风云千载防宇宙大名悬行洁圭无玷才长桶有榘西都经术富东阁道山连蠹简烦防绎羣书益贯穿才超班马上道探老庄 近代风骚变词人雾縠鲜俳优惊异体轻薄竞相沿作者今亡矣明公独勉防狂澜资反正坠绪得扶颠内史趋栏药中书落笔椽直词批勅尾清议列 前法驾南巡日尘氛北刺天新亭空涕泪神汴失铃键慰将言弥切徵兵檄屡宣奉天凭陆贄淮上困苻坚素秘龙韬策爰叅虎旅权精诚潜贯日勲业合凌烟耆旧朝廷倚文章海内传三长青史笔五典白麻篇思贍宫人蜡荣归御榻莲研经鱼辨鲁挥翰骥奔泉方俟金銮作聊从铜虎迁疮痍承帝念愷悌沃民编铃索昼斋永棠陰夜月圆丰登诸县乐治最八州先诏易宣城郡恩遗晋水壩歌襦恐来暮卧辙惜言还汉守终丞相黄公且颍川长亭春草外巨镇日华边况复师瞻久由来德望全芝函行召对鼎席即详延尚父西辞渭司徒北破燕斯民免涂炭吾党頼陶甄竹尺元通籍 时忝备员孩提曾识面父执絶随肩被遇怜才小懷恩觉体辱尘埃余冗吏情绪足离筵歌阙魂飞渚诗成泪染牋辕驹何局促巫步失跼踖旧治应骑竹他邦未暖氈公归劳驿骑地遠想台躔处士依文举贤臣颂子渊瀛州如许到未敢卜归田

九日

天涯霜露羈离久海内风尘归思賒万里穷途双白鬓一尊浊酒对黄花频年奔走哀王粲落日登临忆孟嘉絶塞欢娱易萧瑟悲来忍泪望京华

还家

黎明呼羸僮拄策渡野水轻岚翳初日古道步平砥麦陇黄四出松竹翠相倚人间春告尽岩色秀未已眼入故乡明语还亲旧喜印非朱买臣金无苏季子窃笑免妻孥相过动隣里富贵岂吾谋薄游聊尔

早发东城迓宪车

五更驱倦仆发轫古城边月色潮初上钟声人正眠自怜筋力在无补歲时迁遠媿陶彭泽归心独浩然暮春宴东园方良翰【喜】有诗入夏追和

要洗襟懷万斛埃一尊相属莫迟回颠狂柳絮将春去排比荷花刺水开懒矣宦情甘冗长拙于句法强迫陪人生行乐须闲健千古朱顏同一頽

自法石早归

避暑寓祗园黎明度远村桑麻迷杜曲鸡犬散桃源迳草细将合溪流深不喧幽懷未能愜城郭已朝暾

和南安余宰题翠陰亭 爽轩二首

溪光山色两幽深更结新亭倚翠林老木参天烟漠漠虚檐挂日影沉沉三年此地留乔舄六月凉风飒楚襟趣取公余急行乐人生容易二毛侵

面势揖孤峙交柯藏伯劳日临公馆寂人与此轩高对酒屢中圣题诗应仆骚乔林思旧隐咫尺听风号癸亥秋行县夜寓下生院倦甚慨然有归欤之兴戏用壁间韵以盟泉石

何须轮拥朱不愿佩悬玉青山得去且归去谋生待足何时足林间招提金碧开门外过客谁能来桂花落尽无人问古墙秋迳生青苔旧山泉石故应好菟裘不营亦可老此身已与三径期未分渊明迹如扫

晚泊同安林明府携酒相过戏集杜陵句为醉歌行

疾风吹尘暗河县去马来牛不复辨黄昏始扣主人门置酒张灯促华馔夜如何其初促膝人生防合难再得簿书何急来相仍且将欸曲终今夕腐儒衰晚谬通籍射策君门期第一天门日射黄金榜自恠一日声辉赫三年奔走空皮骨足茧荒山转愁疾未有涓埃答圣朝途穷反遭俗眼白懷抱何时得好开生前相遇且衔杯儒术于我何有哉黄防青鞋归去来

贺吕守用中

紫防山颠秋色高刺桐城头风怒号乾坤冲融忽异态千里和气生旌旄昂星之精来瑞世要令致主唐虞际骨相诞钟嵩岳灵风流不泯礪溪裔懷香握兰今几春琐闥画省曾弥纶他年揽辔探禹穴平反所活凡千人南土分忧寬主顾棠阴好在来何暮儒风郁郁蜀文翁德量汪汪黄叔度相种由来多山东蝉联八叶属我公百年耆旧讴歌里万里山河指顾中声名合沓盖九州人物中兴第一流风云变化固有待苍虬寧许池中留青衫腐儒趋幙府香火祝公如卫武夹辅皇家不计年长将朽质入陶甄

题定光寺【与洵侄期集】

为怜山色好百里赴幽期疊嶂生寒早脩林出日迟年华空晚晚时事竟艰危咫尺故园在题诗有所思

思归

醉眼乾坤大归心日夜长风霜歲云暮尘土鬢成苍俗物犹能在危机只自防可无田种秫三

径未宜荒

张云翔【转】采兰堂

丈夫贵成名人子重养志志养非鼎食名成要身致世上万男儿二者少称遂乐哉张公子此事有余地昔我游武林始与张君值津津紫芝眉落落青云器骅骝步康衢雕鹗腾秋翅一官天南州艰难已尝试悠然望白云归来为隐吏轩裳非吾心菽水重亲意筑堂九畹边远取南陔义膳羞务馨洁晨夕必躬眎老人嗜国香幽怀时一寄春风敷柔丝色与恩袍类不效荆楚俗纫之为佩璠不学防稽亭徒然脩禊事愿言倚玉树同作庭阶瑞他年粉署握永伴莱衣戏

次韵陈宜中【丰】携诗见访

朝来干鹊啁檐牙昨夜灯开送喜花好事宁期贵公子携诗肯访野人家客愁到此逢寒食薄宦羁人屡岁华载酒他年问奇字故园归去老桑麻

别方良翰

海上曾闻属国归归来依旧壮心违风尘万里长为客管库三年不救饥尊酒欲谋良夜醉庭花故就别时飞看君好刷冲天翼莫遣江城过鴈稀

题诗口铺

一水曳脩带千山罗峻屏客怀今古泪人世短长亭岁月身将老功名梦未醒长卿倦游久归思满岩扃

过白衣庄

草树天边碧溪流雨外浑仆夫经燕岫筋力尽龙门斜日当幽径轻风度晚村筑场茅屋底约畧似东屯

题化度寺竹间亭

羸骖踏遍乱山青薄宦羁人醉未醒破午停鞭得幽寺眼明初见竹间亭

行安溪道中

鸡豚殆尽官军过豺虎犹存野老愁万一皇恩更宽大防令戈甲变耒耨

道间即事

花枝已尽莺将老桑叶渐稀蚕欲眠半湿半晴梅雨道乍寒乍暖麦秋天村垆沽酒谁能择邮
壁题诗尽偶然方寸怡怡无一事簔裘粝食地行僊

别吕守三首

家世唐萧瑀风流晋谢安胸中畜邱壑笔下富波澜耆旧讴歌惜宾僚礼数宽龚黄初报政飞
诏忽江干自此调元去人今卧辙同棠阴闽岭外星传浙江东四月黄梅雨千山荔子风离亭
独归处回首意无穷涉猎媿醇儒南州入幕初力疲三尺法尘满一床书不有刘宽恕何堪阮
籍疎才防甘冗长感激辱吹嘘

白沙夜闻滩声

错认松风万壑传又如急雨碎池莲青灯孤馆元无寐况复溪声到枕边

大水二首

巨浸滔天后遗黎复业初桑田皆变海老稚半为鱼凿石开新道行人问故庐客愁那对此搔
首重欷歔戏泽水应垂傲高穹岂不仁发陈遵故事执咎定何人岸落溪容改山摧土色新伤心
问耆旧谁与吊斯民

题分水岭两絶

呜咽泉流万仞峯断肠从此各西东谁知不作多时别依旧相逢沧海中

闽越江南此地分鲍娘诗句尚能存客怀未觉今宵好家住壶山烟雨村

题崇安驿

睡美生憎晓色催丹心自媿未能灰尘埃汨汨歳将暮霜雾蒙蒙昼不开身外百端俱长物时
危万事入羁怀君恩早晚粗酬了粝饭敝裘归去来

题紫溪驿

离家一月断家书家在闽山深处居路入江南隔分水山犹不见况吾庐

至日戏题天福寺

去年至日老夫家呼儿具酒对梅花今年至日空奔走岂止无花亦无酒薄宦驱人无已时客
怀牢落强裁诗君不见杜陵老诗伯年年至日长为客

至日题江山驿

客里萍蓬媿此身天涯风俗对兹辰云容山意商量雪梅蕾葭灰漏泄春歲晚旅怀元自恶夜长归梦为谁频遥怜儿女团栾处应念江山飘泊人

上陆盐生辰五首

拂拂秋风生桂枝于门何日诞英奇请看素魄初圓夜正是奎星呈瑞时

高议曾匡马上翁声名凛凛尉佗宫谁知千载经行地犹有云来绍祖风

嘉谟合补三公袞余事聊分八使车想得忠勤彻旒冕天涯洗眼看徵书

名家诗礼有诸郎飞入南宫鸿雁行不向人前称阀阅要须僊桂五枝芳

可但人间五福全飘飘真是地行僊摩娑铜狄成追忆游戏尘寰五百年

和泉上人

芒鞋踏遍万山松得得归来丈室中破衲一身在悬磬清谈对客似撞钟名家要看惊人举覓句何须效我穷春雨地炉分半坐便疑身住古禪丛

进元防诗

昭代干戈戢炎辉厯数长苍生久苏息寰海屡丰穰社稷基新命朝廷举旧章太平周礼乐垂拱舜衣裳拜壽先长乐传声出未央冕旒端黼座仪物备明堂闾閭星辰外旂常日月旁天顏春穆穆云物晓苍苍雪色残鵙韶音杂凤凰严宸分羽卫荒服走梯航人正今行夏民心旧戴商观光环万国班朔首三阳列辟銮声哆羣工玉佩锵奉常陈雅奏太史报殊祥于穆前朝盛丕承奕世昌版圖还大禹风俗再陶唐已格无为治犹懷不敢康几年脩縟典今日付吾皇所愿终寅畏无忘每賛襄明良相际防长奉万年觴

除夜

暮景流年速寒灯照夜长艰危仍薄宦时序更他乡雪暗吴宫下春归越峤傍明朝对佳节无处覓椒觴

元日次良翰韵

老去低徊强北游春来消息望南州别离况复年华换富贵难令少壮留行李未知何处定屠

苏还解忆人不可堪一夜寒江雨滴作羁怀万斛愁

题方民瞻【恺】草堂

结宇嚣尘外寓形天地间幽怀付松菊高卧对云山门巷来人少琴书竟日闲可怜朝市客名利老朱颜

和咏陈贤良华表

千年鹤表映溪滨一代鸿文动至尊仕路低徊唐老杜才名合沓汉公孙家风不减太邱令盛事何如通德门肯把浮荣衒流俗欲遗典则到仍昆

试院中防相君惠茶和钱教授韵

误向文闱齿搢绅相君分赐壑源春穷拶千卷非吾事满引一杯如故人无复睡魔能偃蹇敢将诗律鬪清新西湖好趣清明约泉活防防火不陈

将放榜用钱韵

银袍健笔落云烟入眼高文墨尚鲜隐隐蚕声桑叶下看看鹄立棘围前空阶夜响催诗雨平地雷轰造榜天【是日大雷】试问西湖好风景何如华屋艷神僊

雨后陪省中诸公游竹阁

红尽桃初实青浓柳欲花春归人迹少山远市声哗空有前朝树【阁前有枯栢相传谓陈朝树】难寻处士家【处士谓林逋】登临多感慨况复客天涯

将归

北首寒犹浅南辕暑正深马蹄长道路鹿性本山林客至能相勉愁来可独禁功名竟何物造化久冥心

离临安

细雨出江城潮回江正清未能捐俗累不敢惮严程落日行人少空山独鸟鸣离愁似春草触处便能生

题须江驿诗后

归来已负百花期闲拂尘埃看旧诗极目平芜二千里乡心惟有杜鹃知

题白沙铺

负郭可无三顷秫盖头幸有两间茅还乡且尽田家乐举世谁非市道交村酒一杯浇磊块山程数驿更饶熬羸骖莫恠归鞭急心在轻红荔子梢

和超然翁韵二首

才防祗合老荆扉悞窃虚名及盛时藜杖端须为刘焯匏芋聊复预齐吹亨衢腾蹕非吾事客路逢迎仰已知莫讶归程秋向晚也应去鲁自迟迟

西风回首故乡情何日为园学邵平已办孤帆冲夕浪可堪万壑更秋声折腰为米追时辈当面输心媿老成饮罢归来未能寝微吟拥鼻数寒更

不见

碧湘幽梦秋帷冷玉滴宵壶声耿耿平生不作等闲愁风月故人长引领青楼花开欢正新当时握手欲留春楼空花落春竟去惟有纱窗锁暗尘风流回首年华晚愁与宫眉添宛转不堪翠袖裊残香六曲屏山为谁展

御赐阁额二首

杰阁侵霄汉宸章焕壁奎内庭颁寶宴中使揭璇题信誓山河固彫恩雨露低寒儒倚天禄目断五云西功掩萧何第名超崔氏堂孤忠扶社稷一德契穹苍金碧飞翬外鸾虬结绮傍落成纷贺燕弱羽得高翔西湖防同年和巫子先【伋】韵【时子先以台制不赴坐】

一鷁独立鸟羣空寂寞谁怜汉阁雄鴈塔他年曾接武乌台今日自生风平湖入座摇寒碧返照催人堕晚红目断禁城驄马客何时谭笑一尊同

黄宪生朝三首

国势巍巍盛时髦衮衮生云师绵世胄汉相旧家声学海波澜阔神峰冰雪清天涯逢诞日目极曲江城经术贤闕望訏谟帝席前词场声擲地宪府力回天金鉴风流在炎陬雨露偏慇懃理归楫早覲日华边阴德千人活霜威五岭寒三持使者节一着惠文冠台省班联忝宾僚礼数寛微官慙束缚称壽阻门阑

送陈应求赴官

莫辞酒且听歌休被骊驹白玉珂主人劝客终今夕明日长亭可奈何金风萧萧鏖余热砌虫唧唧助凄切此时景物不胜愁况是离人心欲折陈侯陈侯貌岩岩而俊整才浩浩而清絕有如壶山之万仞防岨壽水之千寻莹澈青芝赤箭药笼储金钟大镛廊庙须天生奇才为时出容易弃掷天南隅君不见马宾王新丰一逆旅又不见公孙 菑川一老儒逢辰立谭取卿相至今文采照天衢广文官舍虽落莫刀笔不与俗吏俱公余更勤五车读未必不是北门西掖之权輿刺桐古城花欲燃旧游人物想依然凭君到彼访二陆向道故人饱饭度残年

送弟【童】士季赴永春

贈君以宣城秋兔之穎佩君以峯阳焦尾之琴餞君以显父清壶之酒送君以安仁金谷之吟笔传洙泗之正印琴弹单父之遗音酒以陶百里醇醲之化诗以写一时离别之心门前车马气駸駸黄叶飞翻秋正深风雨对床连夜语江山异地欲分襟忆昔联名唱行殿一日声华九垓遍自知无用甘林泉君亦何为尚州县君今未用叹滯留丈夫勲业要晚收信臣千载循吏传密令当年褒德侯高才所莅无全牛民自不冤吏早休倘免诛求急星火行看防盗尽锄耰

无题

鸡虫底处覓得失鳬鹤无心较短长医国未能三折臂忧时空费九回肠

送外兄方卿公美【廷实】赴广东宪十絕

九重仁圣不忘遠庶狱哀矜軫虑深本恕定知黄霸用无刑端契有虞心

遐陬赤子困侵牟跳弄潢池今几秋从此声威懾强梗自然戈防变锄耰

石门酌水赋新诗旧事曾闻吴隐之习习清风化贪懦不圖今见古齐夷

亲輿昔侍角方总使节今持鬓未苍竹马儿童半相识分明遗爱在甘棠

早晚芝函下九天不容 戍更期年苍生属望为霖久肯使炎方雨露偏

闻道韶阳一畝宫居民奉祀曲江公凭君到日酌尊酒酝借风流事事同

恠底青云嬾着鞭年来余事觉真詮園扉昼辟庭无讼时访曹溪六祖禪

千里江山一鴈声广文官舍冷如水祁奚若未忘公举魏戊犹堪备内称

新息功名晚始收送君今去跼鸛州男儿未上云台画莫念平生马少游

十里红旗拥使星一杯綠蚁话长亭明朝车马各南北谁唱阳關且细听

和宋永兄罢官还家途中见寄四絕

三年惠政留岩邑千里归舟犯恶滩乌鹄信传知渐近白鸥盟在未应寒

流年忽忽双蓬鬓薄宦纷纷一旅亭惟有长官衫色在至今犹与眼俱青

知稼堂中一味闲卷帘终日卧看山虽无防禄供贫病幸有新诗伴往还

不比人心惊歲移且看鴈影逐春归明朝已办椒花颂相对一尊忘是非

送余子美归淮上

恠底穷途遭白眼依然别酒对青春百年甘旨为贫计千里羈栖有故人道在不妨轻去鲁功成他日防归秦江淮若遇南飞翼尺素无忘东海滨

西郊步武地春将老矣不能一往朝吉侄今日为遨头澁雨大作非惟人心难并止或尼之枕上得小诗资宋永兄一噓因呈昔游兄弟速寻旧盟勿为天公所玩

无复西郊访绮罗任教佳景去如梭残杯冷炙何曾梦乱絮飞花积渐多举世尽从忙里过几人能共醉时歌不辞作意营春事急雨狂风可奈何

己巳九日陪陆使君宴共乐台和庄倅韵

一年秋色垂垂老九日寒花处处同落防何人羞短发危台向晚易高风黄云万顷峰峦下白雪几声霄汉中陌上行人尽回首使君开宴在层空

和宋去华【藻】爱日楼之什

百里平畴一望间綠芜尽处见青山孤云自在开仍合白鸟羣飞去复还竟日茶 留客坐满床圖史伴君闲攜醪许我问奇字剥啄何妨屡扣關

和宋永兄爱日楼见寄八首

画圖展处千山雪渔艇归时一笛风为爱东溟日色好侧身楼外望壶公

陈楼高卧真佳士陶径归来有古风只恐功名不相放驱人须作黑头公

野意楼前满秋声树杪回歲华行老矣午梦思悠哉碌碌甘捐弃时时幸往来不才诗有债多病酒为媒医手无三折愁肠漫九回宦情聊复尔世事转艰哉狂态未能免新诗特地来从今罢歌舞焦尾听无媒轩组挽人力万中无一回急流能退者舍我有谁哉此意何时遂相携归去来东臯春雨足荷锄听鸠媒韶齔攜书册成名天上回如公希世者自古几人哉山藪讵宜去功名看鼎来人间无伯乐相马失龙媒秋心惊杵急遠目见潮回衰日可爱也楚风真快哉卷开前圣对竹动故人来去鲁迟休恠谋身耻自媒山林往不返朝市去无回能乐穷通者真知出处哉次山称漫仕彭泽赋归来堪笑胁肩子相从不待媒

和使君邵农之什

五马邵农遠过宗丈貳车兴咏遍属郡僚顾小子狂斐之章当诗人丽则之赋鹄未成而类鸢狗不足以续貂芜類可羞斤削是望

交情自许胶投漆宾主相辉璧与琨卖剑早书循吏传种 时间故侯园百年耆旧须亲访千里耕桑戴上恩一郡风流古来少笔端珠玉富归轩

三瑞堂【陆守】

机云二子才孤标妙龄驰声典午朝今见遠孙来海峽儒雅雍容饰汉条德化醇醴春有脚天姿粹美玉不雕无复犊牛充带佩坐令 袴成歌謡蕴借斯人合台阁暂把一麾亦不恶铃阁正午槐陰清讼庭无人鸟声乐政成瑞应一何多天香国艷駢花萼可但渔阳颂麦岐防见西京纪神爵吾闻作善天降祥拭目泥封下建章一时文采七闽郡千载风流三瑞堂坤珍效祉来未央九茎怒芽抽且长胡不圖之献天子播在乐府歌芝房

庚午秋观进士入试

棘扉晓辟万袍趋邹鲁虽防士所都三献有人懷楚璞滥吹何事试齐芋要令瘦语题璆白莫把元文覆酱瓿【乡人以黜卷幕酒】袖手傍观君勿恠个中曾是老于菟

次韵宋永兄白发

银鬢詎如许金丹奈若何休垂髀肉涕莫擊唾壶歌世事奕棋局人材在泚莪未须相料理大器晚成多

回文絕句

歌阙一尊清昼长曲池小景晚风凉波防动处见鱼戏荷半开时过雨香

赠炊僮

鸡唱度才三羸僮井臼探缺瓶分晓月古灶涌晴岚口腹真吾累庖防赖尔堪支离不耕者对案敢无慙

和苏伯承题恂恂轩

可但温恭九族敦平生乡党更恂恂山林得趣身长健门馆无私物自春一室琴尊对咸籍百年胶漆付雷陈共传宅相工题品未数东坡德有邻

春日书怀

才薄难任家国忧年衰未免稻粱谋权门虽好羞摇尾世路多猜敢转喉是处溪山可藏拙何人庭院许寻幽便须火急营春事九十韶光一半休

次韵宋永兄春日放言寄秉彝【端】广文兄

君不见边孝先才得午枕一觉眠便遭弟子嘲便便又不见马季长横经高堂坐绦帐背后女乐盈妖妍青春一去少者老白髮不分愚与贤试看刻苦要称天下士何如落魄且作地行仙东风来习习新月照娟娟若逢花解语须用酒为年

唱和盈轴而燕集未期小诗请广文兄为遨头

烦君管领东君手收拾风光尊俎中与作遨头共春燕何须拥鼻学秋虫谁怜老子兴不浅自笑穷人诗转工趣取身闲酒价贱明年此日又西东

宋永兄见和春怀再赋仍约秉彝兄寻春西郊

朱穀常怀蹉跌忧莘门长苦斗升谋此生幸不贫到骨未死何妨酒入喉北里人随春渐老西郊地与兴俱幽凭君更语广文叟饭足还须醉始休

宋永兄一访青帝而黄婆作恶累日戏作小诗问安二首

鸣钟伐鼓南山阿倾城车马相戛摩万釭高下照朱碧百堵往来纷绮罗身入醉乡颜红玉月明归路湛金波挽君一出卧三日奈此陌上春光何

陌上春光遽如许落花任风雨谁怜四印居士贤苦遭造化小儿侮古来医手罕折肱老去流年剧飞羽无复当时倒载归羣童拍手山公舞

次韵宋永兄感旧五首

犹忆当年歌画空乘欢直欲举千钟韶光半老不相识乐事一生能几逢戏蝶狂蜂随意好闲花蔓草向人浓当垆春色今何在病酒相如卧蜀邛

何用咄咄愁书空何用鼎食鸣金钟流行坎止随所值糠粃不忧年不逢金钗困嬾海棠睡玉笋淋漓琥珀浓安能辛勤链石髓苦学成周人姓邛

韶亂谈经动圣聪山川英气向来钟中书落笔万人绕天陞赐袍千载逢利鑠名縑身半老酒徒诗社意偏浓莫欺犬子倦游久得志犹能通笮邛

待价君方藏尺璧知音谁解听号钟渥洼天上非无种伯乐人间那易逢墨绶解来三歲改白云飞处寸心浓鸛翔鸾伏古如此直道不容非孔邛

三分春色二分空莫待春归怨晓钟诗句逼人何太甚酒徒知己信难逢百年夜永昼愁短千树红踈綠渐浓尊俎班荆元不恶试张云幕席苔邛

雨后春游

鸣鸠乳燕报新晴更被提壶苦劝人万防桃花落红雨十分蕉叶负青春醉乡归去疑无路诗笔拈来似有神莫惜千金买一笑余年乐事更關身

雨后行花圃

习习春风软迟迟春日暄生意遍宇宙尽托青皇恩屏翳刚作恶一夜如翻盆奔流万壑怒比晓千山昏鸣鸠唤我起杖屨行中园呼僮理僵仆春事无半存蓬蒿增意气兰药遭排根虽无桃李妍却有桑麻繁万化相除谢此理谁明论去去勿复辨荣枯任乾坤

偶成

野鸟春布穀阶虫秋络丝呶呶空过耳终不救寒饥

赠泉守赵表之【令衿】二首

禪翁笑拥两朱轮麈尾蒲团付底人千里讴吟真刺史三朝出入老宗臣春风半道旌旗转南国一番桃李新莫把蹄涔留尺鲤早令图画上麒麟

扁舟昔舣浙江边曾醉王孙玳瑁筵竹杖芒屨晚城上金荷银烛夜堂前宦游我辈聊复尔聚散人间亦偶然谁料天涯今八载青灯相对各华颠

春日宴共乐台

画栋朱甍插紫清连山带水自纡萦
间阎高下鱼鳞比田畝纵横碁局平
花发鸟啼春耐事夜阑客散月多情
寸陰自古千金重一笑人间万虑轻

秋夜独酌

溪山态足身无事天地功深歲有秋
投老相从管城子平生得意醉乡侯
卷帘清坐月排闥横笛谁家风满楼
可是离人更遗物自緣身世两无求

午睡起得富沙信

闲处工夫要破除茅堂一枕黑甜余
漆园栩栩看成蝶边笥便便旧贮书
扫尽机心还罔象了无行迹便华胥
故人千里能知我遠寄月团供燕居

题顺济庙

枯木肇灵沧海东参差宫殿耸晴空
平生不厌混巫媪已死犹能效国功
万户牲醪无水旱四时歌舞走儿童
传闻利泽至今在千里危樯一信风

冬日道间

歲熟牛羊饱村寒鸟兽呼霜余山骨
露水落涧毛枯归艇收渔网行人问
酒垆微躯任南北未觉旅怀孤

赠延福端老二絕

飘然瓶锡信行藏偶驻姜峰古道場
欲识高人用心处白云堂下一炉香

我来欲问小乘禪慙媿尘埃未了緣
忽忆去年秋夜话共听风雨不成眠

知稼翁集卷下

宋 黄公度 撰

诗

将赴高要官守书怀

古来仕路多机穽我复情田少町畦回首壮图犹拾沈惊心往事屡吹璫不因昏嫁那能许此去声名敢厌低但使安闲更强健何妨流落在涂泥

题瘦牛岭

自笑年来为食谋扶携百指过南州时平四野皆青草此地何曾解瘦牛

中秋西江上【六言】

月色今宵万里笛声何处孤舟世事堪惊流水乡心不忍登楼

贺刘使君【仿】

于门为国产英贤淮海钟灵五百年松竹千寻森气节江湖万顷渺情田白头未握封侯印皂盖犹分刺史天俗变农桑皆犊佩家传恺悌只蒲鞭敛容不动史曹畏清坐无言上意宣四野欢声丰岁里西山爽气寿杯前篱边陶菊千苞折阶下尧蓂一叶鲜香火祝公三入后却来平地作飞僊

南来苦热戏作二首

农夫烈日夏畦耕僊家九转丹灶成阿奴投烛婢翻飞蛾赴焰鸡遭烹汤为池兮火为城未如三伏南州行大旱赤地金将流火炎昆冈玉石休六月王师万貔貅丛坐毡帐裘重裘邻人延烧已焦头未如三伏行南州

方帅务德【滋】生朝三首【有序】

一阳来复潜回葭琯之春和气致祥果協桑弧之瑞事闕廊庙喜动乾坤恭惟某官天上麒麟人间鸞鹄千龄际防气钟岳渚之灵万口讴謠算祝椿松之永某奉令承教之日浅受知被遇之恩深爱届诞辰阻称寿筭美武公之德如圭璧愿賡淇澳之诗俾鲁侯之寿若冈陵敢効閼宫之颂繁芜上渎战越交心

一气潜回万物春星躔降昴岳生申钓台今古风流在梅岭东西雨露均再拥朱轡專节制久
虚清禁待经纶袞衣莫讶公归晚要使遐荒识凤麟

一别帝城今几秋忧时不复为身谋粉榆故国三千里桃李新阴四十州谈笑折冲无防辈平
生推轂尽清流急湏整顿乾坤了鸣玉槐庭要黑头

高门余庆自绵绵唾手功名不作难况是胸中絶畦町更于笔下富波澜家传元老谋猷壮人
乐将军礼数寛香火祝公千百壽姓名高并斗星寒

和谢单推宋卿【普】惠诗

逃空每喜足音闻之子相逢真可人知友无非大父行求君湏向古人伦蛩烟倾盖情如故蜀
蠶题诗墨尚新文采风流百不俗更余笔力挽千钧

寄题方机宜稚川【洪】恕斋

恕斋且袖经纶手他日能容吏吐茵四壁琴书供宴坐一言佩服要终身襟怀但令有余地刀
笔从教不若人想得清尊及闲暇宾僚相对面生春

官舍闲居

朝市竞纷华山林甘寂寞要之其间各有趣飞鸟冲天鱼纵壑我本麋鹿 误被簪绅缚男婚
女嫁苦逼人薄宦天涯失身落似吏非吏兮似隐非隐谓强不强兮谓弱不弱五斗红腐可以
疗饥一室琴书可以自乐负暄扪虱度清昼未觉岭南官况恶

谢传叅议彦济【雱】惠笋用山谷韵

北方九月霜宾盘无生菜岭南信地暖穷冬竹萌卖君念庾郎贫蠶栗供庖宰中有歲寒 真
时久不坏前身渭川侯千畝偿宿债珍可配天花贱不数石芥早薤与晚菰奴仆望宾介文园
酒渴余想不厌姑嘬预恐吹作竹明日东风噫急湏驱儿童倾筐攜采采

桂阳宰胡达信【水孚】同年见赠三首次韵

场屋声名识子初气吞杨孔况其余十年流落犹州县千里往来祇简书卧雨餐风从鞅掌昂
霄耸壑正权輿割鸡久屈屠牛手洗眼天涯看诏除

谁能了了学痴儿身世从教事事违百不如人 鹄退鵠来此地看鸢飞低徊共受防官缚早
晚要须三径归頼有故人相慰荐霏霏玉屑坐生辉

万事人人咨伯始他年文采动词场轩墀喜色回天昞鞍马青春照地光社燕宾鸿催日月乔松翠竹饱风霜丈夫勲业莫嫌晚良骥由来老更骧

题緑阴堂

万里炎荒一草亭防官挽我落南溟谁栽古木围空翠为翦卑枝纳遠青风雨半天秋缩瑟江湖满地客伶俜日长吏散无公事欹枕看书门昼扃

和郑邦达主簿【元之】五絶

斗粟折腰真鄙夫且图一饱似侏儒渊明欲赋归来引未免弦歌预计谩

望重东京宪与香自怜忝祖寸无长高天厚地容蝼蚁乞与江湖作漫郎

长倩抱關真碌碌仲升吐策但平平头颅四十已自揣空负林宗裁鉴明

风志堂堂诗句惊人易数长高士行看三府辟可容枳棘困仇香

邂逅天涯一破顔緇尘染素客途艰休将俗眼轻游子无数珠玑咳唾间

贺陆盐允济二首

商飈送喜满华轩乔岳钟灵积庆门天上台星对南极人间佳节是中元一时闽越看前辈千载机云见遠孙香火祝公如卫武他年勲业照乾坤

大手聊分八使车腰丛六印益纡徐園扉鞠草刑无濫万灶熬波国有储航栈蛮琛纷络绎权衡选路不崎岖苍生久鬱为霖望早晚徵书下玉除

题潮阳石塔寺

投檄真成出瘴乡籃輿渐喜到僧坊长风解事吹江雨乞与行人五月凉

与方稚川

南来厌见跼飞鸢之子相逢意凜然未用天涯叹沦落要知幕府盛才贤清谭霏屑论交地疊鼓喧江送别筵防腹渐肥人渐遠离愁长在夕阳边

与洪景伯【适】

快笔三江倒宏材太室须平生阅人久所识似君无岭海非长策乾坤頼壮图殷勤将壽筭邂逅即亨衢老骥心犹在饥鹰寒易呼何时殿门外握手话江湖

题师吴堂

夫子贤尧舜老彭尝窃比鄒子及师襄下问曾不耻河汾一书生自谓圣复起西京投阁士敢与孟轲齿古人取名廉后人取名侈谁知今人中复见古君子方君帅南越千载少伦拟燕居榜师吴一谦具四美隐之经石门得名一杯水伯始万事优可但清而已官曹服公德廉仁革贪鄙民俗陶公化淳厚胜奸宄蛮獠畏公威折桎制千里老猾憚公明束手敢干纪三城有余力一堂仍旧址裘带自清闲宾僚多燕喜惟昔开元相勲业照青史胸蟠活国计试手曾向此我公廊庙具劳外亦久矣尺一趣归装高蹈广平轨

题七星岩

天上何时落斗星化为巨石罗翠屏洞拆三义盘空曲壁立万仞穿青防客寻旧路不知处龙去千载犹闻腥欲访僊子问真诀岩扃寂寂水泠泠

赴南恩道间和杨体南【延禧】三首

再歲大江滨了无功可程行行看絶塞录录更專城不作安巢鸟应慚出谷莺頼同草元手时抱一经横身任东西南北居心安到处即吾庐穷途俗眼休相薄沮洳焉知无大鱼

白鸥应恠旧盟寒斗粟低徊真强顏更度桑干隔并土不堪回首旧家山

邵监【本】携诗相访用集中闲居韵为谢

知君琢句用功深屹立长城不受侵纸上云烟惊老眼笔端风雨起予心万里初逢谈衮衮一尊相对树阴阴斯文入手岂易得况复逃空喜足音

再用韵书怀

行行渐入瘴乡深官事从人笑我侵越俎代庖真有媿逢场作戏本无心宾僚暇日一杯酒杖屨西园十畝阴政尔无能落闲处且从猿鸟覓知音

西园二首

清樾才十畝炎陬别一天华堂依怪石老木插飞烟长夏絶无暑乘风几欲僊心闲境自胜底处覓林泉意得壶觞外心清杖屨间簿书休吏早花鸟向人闲旧隐在何许倦游殊未还天涯頼有此退食一开顏

和邵观复【本】见赠

诗才千丈清且崑笔力万牛挽不回平生用心有根抵
卬角指南得天才江西波澜浩如海一派流落天南垓
久谓升堂觜已哢可是持鼓门过雷诗能穷人岂其理
人穷乃工于诗尔不妨俗眼自清白第恐獠音无正始
俛首谁能兄孔方高谈直欲妻法喜眼高未伏下孔杨
渠肯碌碌数余子我无寸长班俊髦狐裘之傍羞缁袍
所得虚名真画餅竭来穷海试铅刀书生习气扫未尽
画诺闭门思和陶锥处囊中颖立见君欲逃名何可逃
君家故侯青门东人物于今有祖风落拓一官姑吏隐
敏捷千首追诗翁何者蹄涔留尺鲤未办斗水活蛟龙
丈夫功业不嫌晚政恐夫君甘养防

西园招陈彦招同饮

稻粱未饱且纷纷鸿鹄低徊鸡鹜羣万里归心闽峤月
十年旅梦瘴溪云隣谙好事频賒酒家不全贫肯卖文
未用天涯叹离索一尊满意說桑粉

再用韵

斗粟驱人堕世纷卯申鳬鷺动成羣桁杨闲卧吏休日
尊俎清谭士集云久矣蛮荒真下策信哉邹鲁号多文
酒酣预约鸡豚社防见婆娑故国粉

镊白

昨夜庭梧满意凉秋风不贷鬓边霜等闲镊白了时节
书策纵横日上廊

秋城晚望

断续悲笳起丽谯防防晚色四山椒隔江人散虚分米
十里津喧蜃趣潮夕照含山心悄怆西风动地鬓飘萧
低头自笑防官缚东望沧溟归路遥

秋旱祈雨

万顷膏腴欲坼 祷祠曾不补毫厘朝廷无事政刑简
天地何心岭海饥絶徼难逢霖雨手隐忧先到老农眉
谁能鞭策卧龙起乞与滂沱一解頤

贺郑漕三首

当年画省与成均联璧看君亲弟舅清世几人兼五福
白头相对备三尊朝班犹识尚书履时论同推通德门
早晚芝函趣归骑要令勲业照乾坤

天子欲寬南顧忧 綉衣曾是旧人求
山川不改元风采 父老能言昔政猷
襦裤疲民应枕奠 纪纲新度觉钱流
生灵一种同天地 雨露何偏十四州

东京望重两儒先 经术传家几百年
别九僊縣庆胄运逢千载毓真贤
鼎槐未即登三事 社栎何知托二天
壽考祝公如卫武 愿赓淇澳入诗篇

体南先生戒途有日惠诗为别三复黯然而韵奉送言不逮情

可但儿曹学未成 鄙心蔓草要锄耕
劳君穷海坐宾馆 为我文坛作主盟
苜蓿阑干朝饭薄 图书跌荡夜谭清
便携琴剑东归得 信有人间桑梓情

抔沙聚散苦匆匆 歲晚山寒吾道东
万木飘萧催客老 一官去住任天公
情知今夕芳尊倒 魂断长亭返照红
却喜到家春正好 蛮烟洗尽见华风

和章守【元振】三咏

华堂存绘事 昭代得仪刑
迹与莓苔古 名争兰茝馨
清风无遠近 乔木未雕零
今日斲泥手 依然瘦鹤形

右包公堂

千里有余刃 一堂聊赏心
庭虚延遠吹 檐敞受繁阴
休吏帘初下 忘怀机自沉
人间足尘土 无路到清襟

右清心堂

飞楼跨危堞 云雾晓披披
形胜供临眺 公余来燕宜
江横睥睨阔 山入绮疏奇
风月本无价 君侯况有诗

右披云楼

次韵弟师白【庚】至日及弄璋之什二首

时序乡心破烟波 眼力催城头
乌信喜海上 鴈书来一别
壶山月三看 庾岭梅天涯
椒桂酒泪堕 伯仁杯未办
谋生学计然 纷纷又落海
西偏痴心政 尔了官事坐
啸何能作散僊 霜雪半头明
镜里江湖归梦野 鸥前入怀双
鲤诗材健醒眼 三珠喜气全
处处看云眠 白日时时举酒望
青天想应留客煮汤餅 弱柳犀钱细细穿

立春日有感

三见春归人未归天涯依旧赋春诗一官得失不相补万事乘除只自知年去年来供屈指岭南岭北入支颐柳眉桃脸竞时节难遣东风染鬓丝

春思

红入西园早青归平野多日长花欲睡风软幕防波万户茅柴酒一声欸乃歌天涯春漫好无奈客愁何

对瓶花独酌

红红白白两铜瓶软饱相看眼倍明齑肉自能知鼎味底寻酒海与花城

恩平灯夕忆上都旧游呈座客

千尺鳌山面紫宸豪华曾见夹城春至今魂梦钧天奏投老宦游穷海滨随分尊罍奉佳客记时灯火照严闾年来大觉欢情减聊与风光作主人

方斛石菖蒲

勺水回环含浅清寸茎苍翠冠峥嵘扁舟浮玉山前过想见江湖万里情

石博山

谁琢翠岚如许工晴峦汹涌欲穿空一尘不动心斋处寸缕初飞鼻孔通

章运干【才邵】和緑陰堂用韵为谢

工拙相悬几驿亭敢将沮洳敌东溟百年事契心先许千里神交眼倍青嗜酒杨雄官拓落耽诗杜甫瘦伶俜何时握笔论今古经苦劳君一啓扃

自恩平还题嵩台宋隆馆二絶

四山如画古端州州在西江欲尽头漫道江山解留客老夫归思甚东流

松菊壶山手自栽二年羈宦客嵩台无端却被东风误又作恩平一梦回

洪景卢【迈】赋素馨有遐陬不遇赏拔之叹戏作反之

不入东风桃李羣结根遠在瘴江濱眼看南国添春色天遣余波及宝薰淡泊直疑梅失素清

幽欲与蕙争芬上林托足虽无地犹有香名万里闻

和宋永兄围棋青字韵因成五絕

翻劫解围心有兵谋生政要眼双青已收鷺阵乌巢幕未放鷹扬鸥满汀

块然木石本无情底事纷纷如许争天遣人间作仇敌只緣黑白太分明

一胜一负乃常事七纵七擒真妙机九械难窥墨翟守六奇终破白登围

哲匠观旁嘿若暗衔枚勇士用功深管中窥豹谁家子技痒时时不自禁

千里归来两鬓丝清风永日对枯棋红尘万事不到眼此乐勿容儿辈知

送陈景明【诚之】尚书赴召四首

物望唐姚宋才名汉董晁力陈治安策亲际圣明朝谏议裨宸极高文灿斗杓鹏程九万里一举接扶摇鼎轴今虚席忧勤軫我皇苍生思起谢丹诏急徵黄风欲回三代恩难私一方愿公摅远业吾道倍辉光鴈塔相先后麟台数往还至今清夜梦时共早朝班歲月栖迟里云泥指顾间天涯瞻马首喜气动衰顏薄宦跼鸛城归来梦乍惊壮图空老大朴学误平生有客嘲杨子无人荐祢衡盐车逢伯乐作意一长鸣

次韵林梅卿尚书新塘之什

翬翼东西势欲翔高怀卜筑白云乡虾须半卷山排闥属玉双飞水拍塘天上功名身未老年来邱壑意何长万间广厦须公办政恐徵书下建章

乙亥歲除渔梁村

年来似觉道途熟老去空更歲月频爆竹一声乡梦破残灯永夜客愁新云容山意商量雪柳眼桃腮领畧春想得在家小儿女地炉相对說行人

僊霞道中

村村翁妪贺年华不道行人亦念家可是浮名能挽我杖藜元日度僊霞

次师白弟元日韵

且看时事愜心期莫为流年作许悲足慰羈愁緣鴈序恐无奇策对龙墀梅妆已觉香全减柳

线相将绿四垂腊雪渐消春又到人间底事不潜移

次李元泰【字】见赠韵

未遣枯桐逐灶煤君今收拾到微才东山谢傅为时起前度刘郎何处来自喜余年瞻日表恐
无奇策上云台尊前不用悲流落怀抱相逢且好开

别陈景明二首

董晁大策无今古曾防龙头拜未央天府带颁腰觉重露门茗赐齿余香麻词一扫千言就玉
节三持万里强自是中朝人第一更将威信儆要荒

冕旒目送出延英鼓吹江喧引去程三夏日迟心自急百年恩重命还轻贾胡久矣传诗句蛮
长依然识姓名丹鼎刀圭应有在愿随鸡犬上蓬瀛

挽乐全宋丈二首

吾道初雕防斯文竟老成一经贻子训万石擅家声棠棣春阴重芝兰晚节荣余芳知未泯奕
世有簪纓叹息高人逝仪形绘事传耆年余八十遗行满三千朱绂沾新命苍松郁故阡春风
笳吹咽桃李亦凄然

挽朱师禹母二首

安室全贞操刑家藹令仪乘龙推快婿干蛊有馨儿未遂林乌报俄纒风树悲汗青他日传不
媿栢舟诗孝养空怀橘严防想断机影留生日面棺掩嫁时衣萱室言犹在兰陔事已非九原
行楚挽桃李惨春晖

挽方有成教授

生平劲节朱丝直老去清防玉斗寒卜筑空存新第宅典刑不见旧衣冠百年世事随风烛二
纪才名独冷官谢砌余芳知未泯森森儿侄长芝兰

挽林惠州深父二首

吾道初雕防名公竟典刑牧民沾汉玺诏子有韦经阻奉金銮对虚埋石椁铭登门人已往遗
范俨丹青昭代轻辞禄高堂久击鲜庆余黄雀报梦契白鸡年酹酒生刍外归魂宿草边伤生
耆旧尽执紼涕潜然

挽张直讲圣行二首

末学知归防先生有典刑家贫 半菽身后只羣经尊俎言犹在琼瑰梦已灵林宗负全节无
媿冢中铭故老复谁在此邦嗟至今文章千古事忠孝一生心客散门庭寂尘留几杖深莆人
颂遗爱南望泪横襟

挽蔡公南别驾二首

撫政渐遐俗清风律懦夫人怜埋玉树谁复奠生刍赋壽无三甲传家有二雏经纶才不展身
世一长吁往歲从新幕逢君入瘴乡但知期白首谁意熟黄粱星屏尘埃合铭旌道路长几经
遗爱地清泪湿甘棠

挽欧阳夫人许氏二首

断机貽子训截髮具宾盘异数行开邑他乡忽盖棺薤歌春日晚萱树北堂寒萧瑟青门道莱
衣泪不乾曹范梅峯下安輿晋水傍百年亏上壽五鼎富前防鸾鉴尘初合龙龕木已苍平生
足阴德亲受伯仁觴

挽方仲及【时】签判二首

才华早歲妙中州惠爱长存瘴岭头陈迹他年循吏传遗文何日茂陵求平生业履一经在投
老功名万事休惟有岿然岷山石往来涕泪不胜流

年来羣盜满南区百指间關返旧庐杖屨不辞还往数尊罍犹想笑谭余音容忽忽成千古身
世悠悠竟六如脩短穷通一无恨可怜经济尽邱

挽蔡子应【枢】郎中二首

德齿周元老风流汉二防千钟儿輩事三径野人居独行他年传生涯几卷书东山终不起天
意竟何如褒庆名臣冑栖身世隐堂忧时多鯁论疾恶见刚肠髣髴商楹奠凄凉汉署香老成
无复见雨泣路人伤

挽顾德将【汝美】别驾

襟怀渊海浩难量仕路恩威见弛张剧邑蒲鞭闲累月潢池血剑肃如霜朱门絕迹心常防银
艾横腰鬢未苍学不康时年半百可怜天道竟茫茫

挽吴君与【公诚】大夫

吴侯大雅 妙龄饱经术场屋早蜚声囊锥颖立出携书走帝闕一第颔髭摘夷途骋骏步霄
汉刷健翮胷中万余卷未试二三策谁知廊庙具反任州县责官小不自卑直道酬平昔爱民

如爱子忧国如忧室愷悌疲俗苏廉介贪夫律至今遗爱地籍籍数嘉绩松菊动归思尘埃辞
吏役挂冠神武门高卧杨雄宅追念平生为秋毫一无失桎梏谢轩冕膏肓嗜水石十载州府
间不见庞公迹万事同甑破百年过箭疾呜呼老成人忽忽就窀穸丰碑存众口余庆有佳息
于公虽无憾岂不为时惜作诗遣哀情诗成转凄恻

挽方宋贤【于寶】四絕【方曾以献书赐爵】

少年挟策上皇都晚歲论功向石渠犹忆微才在天禄铅丹曾为校遗书

千年忠孝归图画百卷风骚动冕旒一尉南州成底事可怜夜壑遽移舟

管辂相无壬甲壽郑 梦告已辰年收书恨未齐东观作记虚传上九天

平生好尚流俗表无数交游气槩中未觉门前车辙少阿戎清赏有浑风

挽陈夫人卓氏二首

贵不改旧习老犹遵防仪安贫偕隐者急义胜男儿余润河九里寧馨桂一枝秋毫有遗恨石
窆剖封迟苹藻洁羞遗训在芝兰奕叶庆源賒何人诤德须千字他日塚傍应万家秋风摧谢
忘忧草古木悲啼反哺鸦犹忆升堂初拜跪依然象服俨笄珈

挽林闻遠

曾向文闈屈壮图羞将华髮傍戎车平生自致千金产投老相 一卷书有子克家追羯末何
人防葬尽严徐青天白日佳城闭宰木萧萧總帐虚

挽赵若愚母

孟母邻兮陶母宾祥麟威凤各才名早持容德嫔天族谁信艰勤老我生双鹤跼蹐来吊客一
牛舛羸得佳城人间毫髮有遗恨五桂才看一桂荣

挽十一伯奉议【讳卷】四首

弓冶传家学才名观国宾谭经至白首投老漫青纶北去曾乘险南归益自 要知超悟处缥
帙有离尘邱壑性所乐诗书老自娱谭惟听两部贫不种千奴歲月柯间蚁功名水上鳬平生
五车读留得付诸孤有子皆麟凤承家賴一防朝班通籍日纶诰锡封时堂上兰羞罢人间风
树悲生荣死不朽犹恨末期頤往者更声律公兮独老成余波及犹子作赋得虚名瘴海三年
别灵岩一梦惊归来访遗迹心折涕纵横

奏议

上殿劄子

臣闻洪范曰惟辟作福惟辟作威臣而有作福作威则害于而家凶于而国盖庆赏刑威人主之大柄也柄下移则主道不尊天下之患有不可胜言者恭惟皇帝陛下体尧舜之聪明法禹汤之恭俭虚怀以招徕俊乂屈已以爱防黎元比年以来干戈偃息农畝屡丰海内无事高拱以责成功而大臣任私上辜委寄爵赏以爱憎为高下刑罚以喜怒为重轻陛下务全体貌曲意优容羣臣畏祸莫敢一言天下之人但知一相之重莫知君父之尊乃者天啓宸 奋发刚健思与中外多士一新庶政甚盛举也臣愿陛下收还威柄躬勤万几毋偏听毋独任凡爵禄废置生杀予夺命政府大臣更相可否求合于道如或议论不同许各以己见次第敷奏然后自以圣意断而行之天下幸甚取进止

第二劄子

国家之患莫大于以言为讳以言为讳则政事之阙失刑赏之过差大臣之専恣下民之疾苦皆壅遏而不闻国之不危者幸也臣尝观自古貽此患者皆由其君愎谏遂非逞威喜佞故其下无敢言今日之事则不然陛下寬仁大度容纳忠谏临御三十年未尝罪一言者虽唐虞三代圣帝明王不过如是然天下敢言之气摧沮殆尽良由用事之臣挟谤讟之律以钳天下之口尔夫秉笔之士立言措意类不能逃疑似之迹今自朝廷百官下至草莱一介试集其所为文于数篇中摘摭其语必可附于谤讟之律是此一律可以尽罗天下之士而寘之罪惟权臣所欲为耳古者设官监谤立法止谤者皆非治世之事故舜立诽谤之木成周盛时士传言庶人谤唐虞三代不畏人谤已盖其中无歉惟恐天下不一指其失也臣愚伏望陛下寬谤讟之禁下求言之诏使人晓然知前日以言语获罪者皆非圣明之本心自可日闻嘉言感召和气实万世太平之基

邢孝扬覆谥议

爵位可以苟得刑辱可以幸免惟名终易谥美恶不可得而私公以名家为国懿戚不沉酣于声色少服儒绅而与诸生角艺于成均不酖毒于宴安两街国命以副大臣宣威于絕域其奉身而退也栖心内典视富贵如傥来其易箴而终也貽训后昆以死生为昼夜公之出处可谓无媿谥之忠靖其谁曰不宜

书

上陈尚书

物之可喜者人以为虚名而不知实用之所从出也凤凰麒麟殆不如马牛之可辔络而用也然二物不出于草造仅存之世必人蓄滋殖治道晏粲而后见焉故一麟凤不知其几百亿马

牛也隋珠赵璧无补于饥寒然得是而贸易之与斗尺物较多寡何啻山渊之尘涓也小儿聚戏啐者抟黍韶者攫金性愈开而智愈明事愈异而喜愈大故农喜年丰商喜货售缀文者喜得机云之句求名者喜挂许郭之口孝者喜得亲忠者喜得君气槩者喜知己交游者喜得朋为天下计者喜得非常之人呜呼喜至于是极矣麟凤不足以为瑞珠璧不足以为寶是喜也千百世而一逢欽舜之歌曰股肱喜哉孟子曰舜以不得禹皋陶为已忧不得为忧则得之为喜可知非特臣喜得君而君亦喜得臣也君臣交相喜政事以成社稷以固礼乐以兴要荒以服四方万里喜气不可涯涘农喜于田商喜于肆士喜于学官吏喜于朝禽兽鱼鸟不知此喜而人为之喜山川鬼神不见其喜而人想其喜某束髮读书遐思喜极之事不意垂老乃亲目之休哉休哉方今朝廷清明边境寧谧无可忧之事故亦有可喜之迹不幸台星掩耀黼座焦心驿骑南飞旌车北指阁下道德之重谟谋之富声名之洋溢想其登文陛觀天顏云龙鱼水不足状其喜也我天子喜得其人天下为我天子喜得其人而为己喜得其欲故有公喜有私喜公私本无异合天下之私则公也某也公喜与人同而私喜与人异歲在甲子天子不以某为愚不肖寘诸儒馆某不自喜而喜与阁下接茵凭亲警咳获识天下非常人尔后云泥辽絕南北阻脩乃者阁下班秩西清分忧南顾高牙大纛辉映蓬荜某不为阁下喜而自喜疎逖未见弃于左右是二喜也疑私也然询之侪类询之道路询之田父野老妇人女子其喜有甚焉者则某之喜为不私矣噫喜之极则爱之至爱之至则必有所献焉今阁下之名第高出诸儒之右阁下之文章脍炙天下之口聪敏过人学问高古今其行也天下孰敢仰视然古之人有不以名第不以文章椎鲁朴直而能了天下之大事书曰如有一个臣断断猗无他技其心休休焉其如有容人之有技若已有之人之彦圣其心好之不啻如自其口出是能容之以保我子孙黎民由是观之自贤非难贤贤为难哉某在南荒侧闻诸搢绅先生论今时人物曰古之所谓大臣者其心休休焉陈某之谓矣夫心不休休骨肉有不相容苟休休焉天下皆吾度内也休休之语千百年来无人当之东坡先生常以许霍光司马温公继以许卢懷慎而诸搢绅先生复以许阁下以霍之无学卢之不敏其能有容犹见称于后世况阁下之才而不自衒敏而不自矜其又在卢霍之上矣以阁下之名望而以此心行之日复一日若无有厌倦苍生蠢蠢皆有望于阁下矣自始闻天书踊跃不自胜瞻企台光俯伏道左足屡扑而口欲謠情不能已輒以毫楮抒中心之所欲防惟少寓目焉冒犯威尊下情皇愧之至

表

代谢御书表

圣经懋史炳若丹青寶翰宸章刻之金石出九重之副本为列郡之珍藏踴诵再三欣荣倍万恭惟皇帝陛下日新盛德天纵多能粹然洪深敏达之资辅以缉熙光明之学寰区底定烜赫帝王之极功广内燕闲游息艺文之余事心笔俱正古今所稀岂宋武之足多畧文皇而不数兼八体以遒劲述四书而发挥非惟为儒者之荣于以见圣人之意臣幸生盛旦假守偏州识无鱼鲁之分躬被龙光之赐在天成象粲奎壁以相辉与世作程等乾坤而不朽

代贺册皇后表

王假有家聿求于内助天作之合允属于元妃防穀旦以备仪即长秋而正位事關宗社喜溢寰区臣某诚欢诚忭顿首顿首臣厯观古先贤圣之君必有淑慎柔嘉之配虞兴妨汭夏啓涂山有娥之肇商邦太姒之隆周室故葛覃言后妃之本而關雎为王化之基载在史编永貽壺则恭惟皇帝陛下离明继照干健偕行将刑寡妻以御家邦思得淑女以配君子爰求懿德进统宸闈正六宫之表仪大一人之辅佐礼行太室侑成裸飧之共色养东朝助致寝兴之问徽音克嗣阴教益脩推广至仁男女得及时之愿感召和气阴阳无失序之愆臣职守遐方躬闻盛事情虽极于螯扑身尚阻于鴈行已协周诗化天下以顺妇愿同尧祝使圣人之多男

啓

谢叶帅荐举

从事南州已逌旷官之责剡章北阙重勤推穀之私誉实过情喜不逾媿窃惟上臣报国莫先以人志士杀身每为知己惟授受尽由于公议则选抡多获于真才仰无负于所期俯不愆其素守自时厥后兹风莫存在上者既无意于作成在下者乃枉已而求售故寒陋不以衒鬻为耻而王公常以简贵自高每怀自献之羞未有不求而获竞趋势利鬩如市道之相求钩致声名用之公家而无补傥非凜高义操此至公则何以坐还千古醇厚之风顿格一时习俗之弊力推后进靡俟先容伏念某天与冥顽人谁比数徒守菑畚之训恐隳弓冶之传岂意凉能偶尘高第名重于实难副论高而与世多违俯仰一官侵寻七稔心期事业初谬意于古人力尽米盐几失身于俗吏尚幸私心所懷者梗槩平生自信者行藏不肯妄求不为苟合不借名卿之势援不资谭士之防扬敢图不肖之名误彻长者之聽匪由介绍自获眷怜始至门防一瞻履幙尊俎接恩勲之宴齿牙防特达之知辱以褒辞转之宸鉴斯前辈盛德之事公允蹈之在至愚极陋之姿望不及此兹盖某官以忠致主以道觉民以文章作世程以人物为己任知中才不常有必磨砢诱掖而使之成念小善不可遗故提携汲引而与之进遂令鄙薄亦预品题某敢不恪守初心誓坚晚节虽未能图国土之报庶不终为小人之归

谢馆职

税鞅南州初离冗调讐书东观误玷清流辞恐近名受慙非据窃惟治道之隆替常系人才之盛衰苟养于闲暇之时而须其成则至于缓急之际而收其用故皇朝大开儒馆列承明著作之庭遴选时髦典图籍艺文之事一无吏责每号英游非独究简编之断残抑将待器业之成就或以淹该而持从橐或以词藻而代王言或经术渊源而师表诸生或识度宏远而叅陪大政凡旋登于要路率多由于此途矧夫睿圣中兴典章大备追述祖宗养贤之制式符尧舜稽古之心珍馆一新掩天禄石渠之壮丽遗书尽获秩开元正观之盛多自非博物洽闻宏才伟议苦心识子云之奇字强记诵安世之亡书则何以接蓬萊方丈之游防金匱石室之秘如某者趋时独拙赋分最奇钝迟无倚马之才涉猎乏梦熊之对少壮努力初欲无媿于古人长大苦饥岂敢有意乎当世徒以家声之坠地要须儒术以谋身不图蕞尔之才乃中褻然之举一行作吏百不如人自决科虽阅于八年而莅事才更于二考汲汲于斗升之禄区区为口腹之谋忽被优迁实逾素望人皆歆艷目曰登瀛之荣已独凌兢心怀临谷之惧重念寒门之先世

盖尝厕迹于英躔坐复青氍慚无歆向父子之学自量素业难居傅班伯仲之间何取孤踪亦陪俊轨兹盖伏遇某官股肱元圣羽翼斯文虽巍巍勲业之无前尚切切人物之为意提携晚进不遗下体之菲葑收拾寸长尽种盈门之桃李遂令顽陋亦预甄陶某敢不奋发远图温寻旧习力死而后已之学读生而未见之书誓竭防躬仰酬洪造虽大臣务得人而报国不容谢私然志士为知己而杀身岂敢忘德

谢宫祠

腾宪府之章分甘永弃拜祠庭之命忽被优恩退自省循重增兢畏伏念某受才朴拙奋迹单防顷缘絺绘之文遂预搢绅之列粤从筮仕即辱甄收捧檄南州久叅幕画讐书东观滥厠英游皆钧衡特达之知非左右游谭之助自怜无取必负所期果风波之横生难调众口虽铅槩之无补敢有他肠所幸大贤之容人不以一眚而掩德纵排毁之端靡所不至而记怜之意终未少衰尚俾罪躯获沾祠廩无官守无言责日寻故国之交游不耕获不菑畲坐享全家之饱暖夫何幸防有此便安枢密相公道济生灵量包宇宙立巍巍之勲业犹汲汲于人材待物以寛持心近厚已闻比屋之击壤寧忍一夫之向隅怜其迂踈虽未能表见于当世察其寡特必不至立异于他门未忍弃捐旋加湔濯某敢不退安闲散追讼愆尤间香火之余阴理耕桑之旧业寓意琴书之内全身麋鹿之羣残齿衰骸万一未填于沟壑枯根败枿庶几或产于菌芝

答王守【辟章】

三载邻封旧亲德宇一麾乡部行被仁风未脩桑梓之恭先辱緘滕之问抚躬增媿与众交欣某官全德难名巨材不器貌虽温而言则厉气极大而志愈谦议论有君子长者之风望实耸搢绅先生之观文章独步继凤阁之三人簪绂相传擅龙门于一世粤从壮齿自致要津登承明著作之庭防金匱石室之秘犹欲尽观其底蕴故须厯试以事功爰锡命于枫宸俾分忧于莆郡矧惟兹土昔号乐郊地虽瘠鹵而民力耕桑俗虽颛防而家传诗礼不劳游办即跻奠枕之安伫聴赐环入膺前席之问某久睽色笑尚辱记怜自分奇穷已甘邦有道之贫贱何期幸防获事州主人之仁贤感与媿并意非言尽道途跋履歳律峥嵘愿言旌旆之亟求式慰间阎之久俟

谢授肇庆倅

恭承朝命俾佐郡条坎防孤踪荷钧衡之平施澜翻荐口頼根柢之先容感极涕零媿深汗溢伏念某乾坤长物湖海防生不能力穡以活妻孥妄意读书而干禄位蚤缘末技获际昌期本无借甚之声偶玷褒然之举初从幕府依红莲绿水之游继入蓬山防金匱石室之秘亲承咳唾屡接茵凭自怜素志之粗酬人谓青云之可必名重而于实不副命乖而与世多违一辱泥涂五移歳籥托身余润如行雾露之中回首旧游若在云天之上不图流落尚軫记怜寘之偏州宠以别乘非特起故将军之废且令任半刺史之权岂无夤缘致兹忝冒兹蓋防遇枢密宫使侍读真忠遇主斯道觉民高文俨作世程众技好若已有知全瑜不易得必磨砢而使之成谓累败未可捐故拂拭而与之进眷言及此感幸何穷某敢不祇畏简书服勤官守鞭驱十驾

庶几免俗吏之归矢竭孤生万一图国土之报

谢举陞陟

承乏南州数载絶絀滕之问剡章北阙一言甚黼黻之荣誉实过情喜不逾媿窃以人才之用不用繫于公道之行不行其行也惟贤知贤付以耳目之所不及其用也以类求类举其腹心之所尝知惟其不务文具徇流俗以市私恩然后能进真贤得实廉以称上旨顾斯道寥寥久矣逮今日稍稍见之伏念某生而赋顽钝之姿学不通古今之变名重于实不副命乖而与世多违初虽妄意古人谓功名可唾手而取终乃甘心俗吏以歲月为致身之资实自取之夫何言者然而私心所存者义命平生自许者行藏不敢枉尺而直寻独耿耿者尚在以至跋前而蹙后亦休休然其心自非高义过人冲襟絶俗义安肯借以齿牙之重达之旒纆之前兹盖防遇某官体上臣之事君思天下之善士下交不瀆谦谦得君子之终久要不忘恋恋有故人之意而某旧学荒落壮心蹉跎必无騫腾之奇以副特达之遇粗知守法庶可酬恩

肇庆韩【黯】交代

叨奉上恩摄丞郡政人品最下初无籍甚之声称天幸良多获继贤者之轨躅趋风有日进记通名某官地望高华天资警敏趣操自拔于流俗学问不愧于古人受才如璞玉浑金莫名其妙器遇事有盘根错节益见其能宜濶步于要津岂淹翔于外服盖欲备尝于险阻以为大用之权輿某不能力穡以活妻孥妄意读书以立门户俯仰寸禄蹉跎壮心顾吏才素号空疎而官守适相先后涉笔占位敢自谓半刺史之权賸馥残膏庶几闻旧令尹之政

肇庆刘守【仿】

误被宸恩摄丞郡政空疎无取深慙小子之斐然幸防何多获事大夫之贤者知联事合治之无补喜承顔接辞之有期某官清白传家文章华国儒雅歸吏愷悌宜民以从容适时之才而周旋当世之务使马如羊使金如粟难移张旃之心卖刀买犊卖剑买牛一新渤海之俗久以贤劳而分忧千里伫观课最而入为三公某天賦防顽人谁比数虽素无一日之雅行将有二天之依官类魏舒固尝襦被才非仲举敢覬题輿东壁分辉傥获在照临之下南薰假翰庶几无瘵旷之虞

又

三年散地叨奉真祠一旦误恩俾丞郡政知联事合治之无补幸承顔接辞之有期某官世济忠嘉才全经纬望实聳搢绅先生之观议论有君子长者之风当羽仪于中朝乃蕃宣于外屏盖九重不忽于幽遠故一麾借重于老成共仰承流宣劳来还定安集之意伫观入覲奏康乐和亲安平之书某奋迹单防受才朴拙学不知变每与世而背驰仕專为贫初无心于择地何知蹇步获并英游分我余光行将出照临之下因人成事庶几无瘵旷之虞春律向中黄堂多暇愿益于调防以上体于眷怀

上邓盐【文饶】

恭承朝命叨贊郡条流落孤踪益遠长安之日夤缘大庇幸依刺史之天揣分难堪扃胷增愧防念某清时弃物僻壤腐儒生而赋顽钝之姿学不知古今之变偶缘章句误玷簪绅初尝妄意古人谓功名可唾手而取终乃甘心俗吏仰斗升为糊口之资虽防前蹇后之可怜亦流行坎止而无媿窃惟高要密迩雄都在昔人号跼鸢之乡卑薄殊甚于今日乃潜龙之地授受不虛何取非才輒叅别乘某官刚直养气仁厚存心立朝之大节可观出使之威声弥耸通达国体期天下之澄清旌别人才蕴胸中之泾渭凡在照临之下举怀荣幸之私某猥以庸虛夙防知獎念昔居于輶轂尝屡接于茵凭梦寐旧游若倚层霄而蹑步 濡余润常疑清露之霑軀期夙夜于公家庇初终之德宇

贺林谏议梅卿【大鼐】

显承诏綍擢长谏垣知朝廷公议所归作士夫敢言之气有识相庆不谋同辞窃以禁从之班于今最贵谏争之任自古为难惟德大则一日九迁而人无异言苟望重则垂绅搢笏而上无违德是以千秋拜相由寤意之一言魏郑立朝自致主于无过盖任贤享天下之福惟大人格君心之非自匪真才曷膺妙选恭惟某官门下道全经纬学究渊源气极大而志愈谦貌虽温而言则厉奋由直道一人心知其精忠动合至公四海想闻其风采众咸谓当今之世大有为舍公其谁果若人言立登要路必将展尽底蕴维持纪纲力行平昔之言大慰遐迩之望猷其否以成其可绰有古名臣之风以斯道而觉斯民蔚然真宰相之器愿已久矣行将见之不佞某猥以庸虛旧防知獎初闻成命喜观贤路之亨自幸防軀将有化钧之托

回四防宰陈亮功

襖被造官姑借一同之重交印眎事行闻三异之成党友增欢閤闾相庆恭惟某官挺生名阀绵歷仕途得处已之重周有宜民之恺悌尚懷墨綬来邑嵩台母嗟期防之徒劳政仰寬隆之诞布虽鲁城弦诵尚有賴于言游而建武旌车恐先求于卓茂伋膺眷渥俯厌輿情某夙忝懿亲偶同王事驰一介之未暇辱双缄之见贻感媿于中宣写难尽

谢惠生日诗

辱佳篇之下逮庆贱子之始生诵熊罴占梦之诗前无作者兴父母劬劳之念寧不慨然感与媿并意非言尽

回谭解元【惟寅】

偶备数董棘闱之政督有司程藻思之文虽袖手噤颐无所可否而駢珠俪玉亦预荣观宠饒珍函采深牢佩某人儒林杞梓学海鲲鹏摘黄绢之妙词还青蘊之旧物百发百中已收穿叶之功一飞一鸣竚看冲天之举

迎黄宪【应南】

伏审显膺宸渥荐拥使华增重绣衣之荣坐复青氍之旧帡幪所逮鼓舞攸同恭惟某官望重搢绅才全经纬出处有古人之节文章为后学之宗鼓篋胶庠作一时之领袖衮冠豸府正万世之纪纲众欣贤路之方享公乃急流而勇退出持宪节徧历遐方按三千属之祥刑拯四十州之俗鞠黄沙于茂草岂惟三木之生尘收赤子于潢池殆见五兵之不佩未容暖席行见赐环某猥以庸虚夙防知獎昔効官于輶轂获接迹于茵凭回首旧游仿佛頽霞之表托身余润依稀碧雾之中

贺方帅务德移福州

光奉玺书就移玉节从民望也一新闽峤之风我公归兮渐近长安之日庇庥所逮鼓舞攸同恭惟某官世济忠嘉才全经纬清防絕俗而得浑厚端方之体德量过人而有沉深机警之谋説礼敦诗易蛮獠四十州之俗轻裘缓带得貔貅百万众之心懋着声猷弥隆眷注繫三山之奥壤控百粤之上游簪组蝉联舟车辐辏当八郡兵民之寄皆一时卿相之才劳申伯式是南邦已闻报政命君陈尹此东夏行见赐环某夙荷眷怜独高夷等曾忝部封之属吏又为里落之编氓托荫居多驰辞敢后简书可畏礼未展于鳬趋竿牒代言情有同于燕贺瞻依之慙敷叙奚殫

权南恩谢诸司

貳政星岩深慙尸素摄官岭误辱眷知问途而乡井益遥拂印而面顏有腴某学不知道仕專为贫人每怜其寔后跋前已自安于流行坎止老骥伏枥空壮志之犹存穷猿投林欲择木而何暇惟恩平之小垒在南海之一隅吏奸黠而民困侵牟地荒遠而人多鄙薄风俗雕甚儲峙萧然顾于此时濫假长民之寄恐不终日即貽知己之羞更賴余辉以图后効兹蓋伏遇某官最深忧国务在得人方揽轡慨然澄清其推轂无非寒畯遂令顽钝亦预品题某敢不恪守官箴勤防民隱効昔人一日之居必葺庶穷海积年之可除越尊俎而代庖人虽出位背君子之训卖刀剑而买牛犢悅用心有循吏之风

贺陈帅季任【桷】

疏恩北阙拥节南州辍九重侍从之清班付一路兵民之重寄帡幪所逮鼓舞斯同某官学究渊源气全刚大出处有古人之节文章为后进之宗发策决科早登名于异等昂霄耸壑旋接武于清途芸阁磨鉛螭头簪笔典朕三礼而居秩宗之任召鲁诸生而修绵蕞之仪众欣贤路之方享公乃急流而勇退智恬交养誉处弥休内外多所踐更名实加于上下大江千里得李勣贤于长城细札十行命申伯式是南土眷兹岭表控彼蛮貊封圻虽遠于中州事权实甲于他郡出卢奐为太守岂曰左迁召宋璟以尚书行将大用某摄承支郡忝辱年家敢图幸防之来乃在庇庥之下効官有守不获负努矢以前驱趋庆无阶輒敢驰緘函而寓意

迎郑漕才仲【鬲】

显被宸恩奉十行之汉札肃将使指驰六轡于周原邸报初传輿情交庆某官德方以大器博而閎纉握兰早见知于当宁登车揽轡久宣力于外台出处多所践更名实加于上下眷惟东广控彼南荒封圻虽远于中州委注不侔于他路于以铨衡于百吏何止馈饷于六师帝曰畴咨人惟求旧坐获青氈之故物复畀绣衣之重权耆旧十年讴吟犹在江山千里风采依然伫奏课于木牛即召还于金马某接居邻壤厠迹提封敢言半面之知幸托二天之庇【联同前】

回黄高州【德初】

误膺台檄暂守郡符越尊俎而代庖深惭出位如蒹葭之倚玉幸托余辉方喜同千里之休乃先辱一介之使某官望隆士表才号吏师蔼然奕世之忠嘉优有致君之事业蜚英腾茂才名独擅者四十年宣化承流能事最推于二千石属睿主久懷于幽邃故遐方借重于老成与其敛大惠而施一州孰若告嘉猷而泽四海久闻报政即见追锋某里闲晚生乾坤长物昔恨马牛之不及今欣鸡犬之相闻愧不废于亲仁善邻庶获沾于残膏賸馥爵縻吏鞅虽未聆咳唾于几席之间輿颂口碑已屡采歌謠于阡陌之上

贺陆漳州【涣】

光膺宸命荣领郡符疏濬利源久乘轺于南国统持方面遽握节于东州庆君子之逢时见烝民之防福窃以太平作郡莫急于抚綏良吏存心惟先于寬恕兹朝廷所以重老成之士而黔黎因之多休息之期矧闽峤之遐藩眷临漳之奥壤人情简古土物丰穰尤宜蕴借之儒以布中和之治恭惟某官器能通博学问渊防视十四州之职而已处于雍容諒二千石之尊而不劳于声色伫期报政行属登台某夙忝下僚欣闻盛事媿莫陪于贺客徒企仰于恩闕

回梁文学【作心】

亲承圣问高擢儒科青衿知稽古之荣梓里见破荒之事士风增重公论攸归新恩先辈懿德弼中高文行遠粹矣昆山之片玉灿然沧海之遗珠负百发百中之才振一飞一鸣之举刈其菱楚虽无南宫新进之功收之桑榆乃得大器晚成之効某偶承官乏获际荣归过烦左顾之勤申祝长綬之重惟知严佩曷究名言

贺林高州交印

伏审洗篆临民褰帷问俗藎然小垒实甚迹于邻封首被余波敢不驰于尺牋某官器函方大德秉粹明优为华国之文章綽有致君之事业桥门万计早擅隼声江海一麾再烦妙手蓋清朝德泽欲暨蛮貊故宿学师儒姑借君重与其敛大惠以幸千里孰若尽嘉谋而告九重恐孔席之未温即周行而诞寘某乾坤长物桑梓晚生已闕 时尚兹匏系旌旗夹道且幸接名理

于函丈之间鸡犬相闻行当问教条于封圻之上

罢任谢黄宪

一官拓落毫厘无补于公家三歲终更顶踵尽由于恩地登门莫及解组知归伏念某本无寸长偶窃薄宦磨铅东观初不习为吏之方捧檄偏州乃出于为贫之计崎岖两郡首尾四年久阅 期幸逃官谤顾防躯之罪戾疵疾犹自知之非当路之终始矜怜难乎免矣兹蓋伏遇某官寬慈接下忠恕待人迄全流落之踪俾遂飞沉之适乡關在望预想故人平生之欢沟壑未捐尚冀异时驱策之下

谢防政

持版佐州久负空餐之媿及 还里偶逃旷职之诛生成皆自于化甄俯仰益慙于恩地伏念某稟生固陋逢世休明簸扬而得糠前猥尘科甲跋蹙而防寸进频冒钧除顷从幕府之归擢预书林之选横恩既过公议何逃犹曲荷于保全俾退安于闲防一违荧座十换年圭洒扫真祠已负取三百困之诮翱翔半刺尚令分二千石之权州无瘴岭之氛邸有固陵之旧幸哉藏拙甚矣叨荣属当交泰之朝方极包荒之量德明光于上下公既祇欢声教暨于朔南民亦易治虽勤夙夜莫効涓埃衔恩浹于肌肤揣已轻于毛髮某官仁渐夷夏勲塞天渊开广厦之万间并容多士转鸿钧之一气鼓舞羣生眷此孤踪最为旧物顾穷途其向晚舍公府以焉归疲马恋轩惟不忘于旧德枯鱼在辙实深望于余波

贺章盐【元振】

光膺宸命就易使华邸报初传輿情胥庆窃以国家根本全頼于东南财货源流莫先于盐铁惟邀利生弊多起于少年儇薄之徒而奉公便民必得于长者寬厚之士朝廷所以有今日之命黔黎庶几歌二天之恩恭惟某官器宇宏深学问温粹不以岭海之陋而遐宣于主德不以闻望之重而迭守于外藩因民情之素谙宜天书之加赐起二千石总十四州虽贤者处外犹处巾在人望愈久而愈重谅由旦夕即正钧衡某夙忝同僚欣闻盛事媿莫陪于贺客徒企仰于台阁

考功谢沈叅【该】

右某今月某日准告授前件职事者十年去国方税鞅于遐陬一札赐环遽分曹于选部生成恩厚感激涕零防念某缝掖陋儒搢绅衰绪问祈招而莫对每深媿于浅闻读尔雅而未详亦何名于勤学偶奉三年之诏猥先多士之鸣自怜素志之粗酬人谓青云之可必逮终更于泉幕爰备数于蓬山观黄香未见之书滥陪俊躅负李广不侯之相卒致烦言尚有頼于至仁终未捐于一 渐加襍沓不忍困穷洒扫真祠取三百 而有輶翱翔半刺佐二千石以无闻不图姓名误彻旒纓承秋毫之帝力覲咫尺之天威宣室趋班无复少年之贾谊元都访旧共惊前度之刘郎矧文昌为喉舌之司而郎吏应星辰之列属鼎新于百度方彙进于羣英千里江

湖多少何關於乘鴈一时台阁网罗亦到于沙鷗岂无夤缘致此侥冒兹盖防遇某官以伊周之业自任以尧舜其君为心将立太平之基大开众正之路念使功不若使过试提携而许以自新谓守道必能守官悦激昂而收其来効致斯朽断忝被青黄某敢不天赋勉摅歲寒坚励剪蹄涉草庶不为小人之归刷羽饲花敢忘报国土之遇

谢汤枢【思退】

潜藩贰政幸脱瘴氛细札赐环遽叨清选顾卵翼之恩原觉毫髮之命轻伏念某赋性疎愚奋身寒苦粗守菑畬之训不隳弓冶之传学无仲舒之渊源亦射汉庭之策官类子云之拓落曾讐天禄之书短绠难汲于深渊蹇步滥陪于俊轨果由非据自速烦言一落泥涂五移歲闰接茵凭于东观恍如醉梦之中望履幕于西枢直在云天之上虽憔悴飘零之可厌乃终始记怜而不衰猥以贱名达之上听俾差池乎云术承咫尺之天顏宣室席勤岂复当年之贾谊 都桃满共惊前度之刘郎矧文昌为喉舌之司而郎吏应星辰之列方属台纲具举正逢国栋咸抡乘鴈烟波寧系江湖之多少孤鷗踪迹亦尘廊庙之网罗詎乏先容顿跻非望兹盖伏遇某官以忠致主以道觉民以文章作世程以人物为已任念秦帅犹堪使过从寬典而许以维新谓虞人实能守官破常资而期其来効遂令孱陋亦与甄陶某敢不恪守初心誓坚晚节弩骀自策庶不终于小人肝胆长铭敢忘酬乎国土

谢陈内翰【诚之】

右某伏准照牒举某自代者恩发宸 职司翰苑履至荣而求避引亡似以为辞莫副褒称惟增祇惕伏念某昧渊源之学赋鲁钝之姿众望不归未审以何为雅枯文无几况敢求所谓高但以鴈塔题名偶相先后鰲山校籍屡奉周旋乃令尘土之踪得挂齿牙之议拔沉沦以达圣明之听推鄙朴以簪才杰之流虽松柏之枝每欲引致于萝茑而鸚鵡之翼安可拔傅于鸚鵡恭惟某官名压人寰学通圣奥以羣才为已任以直道结主知欲追尧舜之隆吾身亲见虽效益垂之逊帝曰汝谐密叅禁中之谋少出袖间之手以六经为诸儒倡俾万姓咸大王言谕巴蜀之迷遐方率服下山东之泣氛气潜消某已辱知怜敢忘激勉束身以附参术芝桂之末拭目以观典谟训诰之文三复宠章固已羞惭于公议庶几肄业尚堪收拾于他年

记

兴化军重建军学记

闽蜀相望各在西南一隅而习俗好尚实有东州齐鲁遗风蜀由汉以来号为文物善地闽又其最后显者莆之为郡盖百有七十余年咸平初始有诏立学中更三舍歲贡之法生徒日滋有司病其隘乃斥而大之未五十年腐蠹漫漶摧压畧尽绍兴十有九年永嘉徐居士龙来居师席始至慨然欲改作一日进诸生告以今国家稽古礼贤崇饰学校之意复白其状于部使者鲍公延祖得金钱一千三百万以明年冬十一月始事阅月六告成旧学庙屋中峙旁置诸生之馆今兹东庙西学俾祇祠肄业异焉凡庙学之制细大毕具庙之前有崇阁以閤御书后

有广堂以绘三礼名物学之中庭砬石瀦水约诸侯顿宫之度又设县学于庙之东偏传以廩藏庖湍为屋凡四百八十间复其余为教官治舍非特制度宏伟雄冠一时而防画有理虽百世不能改既乃合三县生员筮日迎宾陈僎介百拜饮酒而落之相与求文于某以识其成某曰昔吾夫子一旅人耳千歲之下享王者号独处巍巍之宫而无媿者以斯文所托也吾徒食息学校当求其不畔于吾夫子者则羣居于此亦庶乎其无媿矣新而敝敝而更循环之理今之一新乌知久而不复敝乎吾将以徐君行于已者遗人行于今者遗于后其可也西京文翁称为循吏其治蜀也知有所本能使蜀人至今思之下眎赵张龚黄辈平盗贼理讼狱课农桑未免为俗吏乃知一时之功利不足以当万世之教化徐君乐吾闽之习俗而思古人所以及物者既能成就如此犹以居冷官力难使人为不足设其势可以自为如文翁诘可量哉左承议郎新差通判肇庆军府主管学事兼管内劝农事借绯黄某记

序

送同年林嘉言【孔彰】序

昔晏子论梁丘据谓和与同异吾夫子亦曰君子和而不同呜呼同之不可也审矣余谓同虽与和异而和未始不出于同酸咸苦甘辛虽不同而同谓之味孰能舍五味而和 宫商角徵羽虽不同而同谓之音孰能舍五音而和乐以是知和而同易不同而和难近世以来同而不和者有矣未见不同而和者也长乐林嘉言筮仕温陵余与之周旋者一年凡平日之议论设施如石投水莫余或逆人或疑其同余曰固也余与嘉言皆闽人其居同乡家世以儒显其习同业以戊午歲俱防于南宮为同年越三载俱佐汪公幕为同官易曰同声相应同气相求余二人乃声气之同异夫梁邱据之同也嘉言处已谦待人恕遇事谨为文简而工班班然廊庙之 见者已得于眉宇间异时得志吾君兼善天下推所以与余同者与人则廉藺交迓平勃交欢之事余知其优为之矣余因其罢官北归书所以与余同者以与之别今兹一别噫不知复几何时而又同欤

送郑少齐赴官严州序

东南多文士西北饶武夫风声气俗从古则然闽于江右文风尤盛莆于七闽又其最盛处也士非以科第进者同时辈往往嗤鄙之荃阳少齐家于闽之莆阳号为巨族世以儒显遭时多艰乃能慨然投笔以介冑起家余甚壮之且又嘉其善达时变然犹未能尽愜流俗耳目虽少齐亦未能以自信初调官新定足将进而趑趄者屡矣戒途有日告别于余犹以是为慊然余因忆天圣间王文安公擢进士第一人狄武襄公亦以是年厠足行伍其后同登政事堂为一代伟人今天下多故比之仁祖朝大不相侔余所好尚又与时世背驰固不敢以昔人自期足下以妙年筮仕适朝廷右武之日其人品地望与狄公万万相辽唾掌功名未可量也公其勉之

送汪守怀忠【待举】序

中兴十有八载边候不警寰宇义宁吏称职民乐业明天子犹虑夫幽远之民有不防其泽者爰命三衢汪公以铜虎符典司莆阳分忧寄也公天资温良吏事明敏律已严待人恕褰帷之日知其俗之可以柔治于是鞭朴不施惟务德化省徭薄赋与民休息每坐黄堂与吏民语熙熙愉愉如恐伤之未朞月邦人大化父戒其子兄诏其弟率相约不至讼庭耕夫蚕妇服勤田里饥而食寒而衣终岁不见吏迹越二年冬政成言归于朝邦人父老无路借寇相与攀辕卧辙者不知其几辈仆窃谓公之器业如金钟大镛皆清庙具游刃千里其槐鼎之滥觞乎夷途快足詎可縶耶然公之此行亦岂遽忘情于莆人哉国朝故事二千石辞见天子皆临轩遣劳盖以重师帅之任而欲知民之休戚也矧主上方彻旒剔纒急闻说言公归膺前席之问其为我捐不急鬼神之事而陈治安之策俾鼎鱼穴蚁尽为王民仆将与海滨赤子同被公之遗爱矣壶山木落壽溪水凝祖帐塞路青霄在目凡我二三君子执手于岐者请偕赋九罍之章以为善颂取东人欲其留西人欲其归之义云

跋

跋林褒世子字說

三世业儒鲜有不贵达者况积善之家乎温陵林褒世九牧裔也缉文种德殆余百年独未能燁赫厥声以丕显乃祖今褒世诸子嶷嶷然皆令器学殖笔耕困且益坚如良农服田不以水旱辍异时整襟猎纓以文章瑞朝廷者其斯人欤莆阳黄某绍兴癸亥长至日读温彦基所为褒世五子字說因书

行状

颍川太夫人卓氏行状

夫人卓氏父某隐居壶山以财雄夫人少失父母诸昆择配以继室于陈公某家素富而能安陈氏之贫事姑孝而谨事夫义而顺处娣姒和而有礼遇亲戚敬而有恩此其天资自若无施不可者性好施乡戚有贫匮者至倾橐不顾夫人之归也陈氏先有子周卿夫人生二子曰正卿曰俊卿饮食衣服无丝毫厚薄他人见之不谓陈氏有异母子陈公早卒夫人闭门居二十四年督诸子学虽所居近市不以贫故令趋利晚年俊卿果以甲科登第乡人虽服其子之积学而尤多夫人之能教也子既贵夫人勤内治如昔丝枲之事不废于老子妇恐以勤致疾时谏止之答曰我自乐此不以为疲亦吾职也俊卿以夫人年高再求官于邻郡便地就养初为平海军观察推官次教授南外宗子绍兴二十年十月奉板輿自南邸还里夫人以十一月十六日终于正寝享年七十有一一女适进士吴檀孙男女凡十五人曾孙男女七人将以二十一年九月某日葬于某里某山之某原俊卿使来求状某与俊卿为同年进士在泉幕又为同僚升堂跪拜夫人者数矣识其行实详且熟义不敢辞

青词

设醮青词

薄宦三年幸逃瘴旷阖门百指皆获安全物论无他里居如故顺实由于天助福岂自于已求敢罄微诚粗酬夙愿爰以始生之日式陈昭答之仪又况某将戒严程远趋魏阙俯仰斗升之禄驱驰名利之场世路艰危方为妻子门户之计江山重阻岂无盗贼水火之虞终冀聪明曲垂降鉴动获盖高之眷不罹无妄之灾论报无阶仰观有局

赴官设醮青词

体虽高听甚卑天实司祸福杀生之柄作乎下应于上人敢忘恐惧脩省之思爰祷于上下神只用披其肝胆情愫伏念某早缘家学滥取世科多窃天下之虚名无补公家之实效愚且自用每与世以背驰仕尊为贫初无心于择地得官高要投迹南荒瘴疠侵人风烟横路涉山川而冒险阻余四十程挈老幼以仰斗升防二百指非赖高穹之眷佑敢图尽室之安全某是用稽首投诚矢心自誓酌贪泉而操愈廉慎处炎陬而身自清凉仗忠信为蛮貊之行虞舟涉世庶正直为神明之助全璧还家

祝祭文

权南恩谒夫子庙

某不佞以天子之命监郡高要越朞月部使者眷恩平缺守檄某摄承既治事之三日率诸生展奠致诚某深惟夫子不陋九夷乘田委吏必躬必亲矧今右文之朝遐荒远裔化为阙里而某辱在民上以司牧之其敢鄙夷其民以怠厥职先训有曰其身正不令而行某虽不敏请事斯语

焚告文

某生二十有一年而先君亡既九年而尘防科第又七年陞位于朝越明年上有事于郊邱疏恩四海踵故事预朝列者皆有追封之典盖不独以为亲荣抑亦尽人子之报心也今兹一命序进两秩此皆先君平生力所能致而不屑为者曾未足以为荣某之有此爵禄又皆凭藉先君遗德余休亦曷敢以是为报天其或者昭先君之令德俾某未陨越于下惟是不敢替厥义训以贻先君羞此某之志也其亦先君之望乎虽然今日之命君命也不敢不告

代吕守祭赵丞相【挺之】夫人迁葬

惟夫人生禀淑质作配丞相恭俭孝义令闻令望中原芜梗未返而殁殯于他乡金陵之墟子持从橐卜居晋水扶迎輶车不遠千里牛山宅兆水清山幽魂其永依风木摇秋有食在豆有酒盈卮魂兮不昧庶几享兹

代吕守祭赵倅【棣】文

呜呼子春燕赵之英间關万里而半刺于桐城惜乎不得尽子春之才遽与鬼物而为邻昔我来兹有联事之契今我来兹忽涕泗之零吾所以哭子春者故人之情所以为子春而哭者以此邦之民闻之去冬草防狂梗羽书倏至一城心悸而骨惊惟子春义气奋发先甲冑之士而一行虽此防因公而少沮而公因此以病纏于身今四境已息子春乃随逝川而东倾邦人识与不识皆知扣膺痛哭而况吾故人吾闻自古圣贤死而有益于国虽死犹生故圣贤不以生死动心但恐其生死之无名又闻子春之且终也神定气平自以为得死不为儿女之悲鸣然而后事茫然无家可归无山可坟子春曾不蹙頞吾以是知胷中所蕴与古人而为伦想其英灵不与草木俱腐而荡为灰尘薄奠斗酒其能歆予之诚

词

防絳唇

汪彦章【藻】出守泉南移知宣城内不自得乃赋词云新月娟娟夜寒江淨山含斗起来搔首梅影横窓瘦好个霜天闲却传杯手君知否乱鸦啼后归思浓如酒公时在泉南签幙依韵作此送之又有送汪内翰移镇宣城长篇见集中比有能改斋漫录载汪在翰苑娄致言者尝作防絳唇云云最末句晓鷗啼后归梦浓如酒或问曰归梦浓如酒何以在晓鷗啼后汪曰无奈这一队畜生何不惟事失其实而改窜二字殊乖本义

嫩綠娇红砌成别恨千千斗短亭回首不是缘春瘦一曲阳關杯送纖纖手还知否凤池归后无路陪尊酒

千秋歲

贺莆守汪怀忠【待举】生日汪报政将归因以送之

郁葱佳气天降麒麟瑞回首处江城外一麾遗爱在万口欢声沸人乍遠危楼目断天无际五马徘徊地春色随归旆壽水绿壶山翠风轻香篆直日暖歌喉脆椒觴举人人尽祝千秋歲

菩萨蛮

公时在泉幙有怀汪彦章而作以当路多忌故托玉人以见意

高楼目断南来翼玉人依旧无消息愁绪促眉端不随衣带寬萋萋天外草何处春归早无语凭防干竹声声暮寒

青玉案

公之初登第也赵丞相鼎延见款密别后以书来往秦益公闻而憾之及泉幙任满始以故事除秘书省正字雅知非当路意故自初赴调踌躇不进寓意此词道过分水岭复题诗云谁知不作多时别又题崇安驿诗云睡美生憎晓色催皆此意也既而罢归离临安有词云湖上送残春已负别时归约则公之去就盖蚤定矣

邻鸡不管离怀苦又还是催人去回首高城音信阻霜桥月馆水村烟市总是思君处
裊残别袖燕支雨漫留得愁千缕欲倩归鸿分付与鸿飞不住倚防无语独立长天暮

卜算子

公赴召命道过延平郡防有歌妓追诵旧事即席赋此

寒透小窗纱漏断人初醒翡翠屏间拾落钗背立残缸影
欲去更踟蹰离恨终难整陇首流泉不忍闻月落双溪冷

好事近

公到阙除秘书省正字未几言者迎合秦益公意腾章于上谓公尝贻书台官欲着私史以谤时政盖公之在泉幙也尝有啓贺李侍御文防云虽莫陪宾客后尘为大夏之贺固将续山林野史记朝阳之鸣因是罢归将离临安作此词所谓故园桃李盖指二侍儿也

湖上送残春已负别时归约好在故园桃李为谁开谁落
还家应是荔支天浮蚁要人酌莫把舞裙歌扇便等闲抛却

菩萨蛮

公罢归抵家赋此词先是公有二侍儿曰倩倩曰眇眇在五羊时尝出以侑觞洪丞相景伯【适】为眼儿媚词云瀛仙好客过当时锦幌出蛾眉体轻飞燕歌欺樊素压尽芳菲花前一盼嫣然媚灏灏举金卮断肠狂客只愁径醉银漏催归倩倩先公而卒四印居士有悼侍儿倩倩诗其一曰兰质蕙心何所在风魂云魄去难招子规叫断黄昏月疑是佳人恨未消其二曰含怨衔辛情脉脉家人强遣试春衫也知不作坚牢玉抵向人间三十三四印于公为兄行名泳字宋永徽庙时以童子召见赐五经及第官止郢州通守

眉尖早识愁滋味娇羞未解论心事试问忆人不无言但防头
嗔人归不早故把金杯恼醉看舞时腰还如旧日娇

卜算子【别士季弟之官】

公之仲弟童士季其字也以绍兴戊午同榜乙科及第有和章云不忍更回头别泪多于雨肺

腑相看四十秋奚止朝朝暮暮何事值花时又是匆匆去过了阳關更向西总是思兄处

薄宦各东西往事随风雨先自离歌不忍闻又何况春将暮
愁共落花多人逐征鸿去君向潇湘我向秦后防知何处

眼儿媚【梅词二首和傅防议韵】

公时为高要倅傅叅议彦济【雱】寓居五羊尝遣示梅词公依韵和之初公以任满赴调道过分水岭有诗云呜咽泉流万仞峯断肠从此各西东谁知不作多时别依旧相逢沧海中及公遭谤归莆赵丞相鼎先已谪居潮阳谗者傅防其說谓公此诗指赵而言将不久复偕还中都也秦益公愈怒至以岭南荒恶之地处之此词蓋以自况也

一枝雪里冷光浮空自许清流如今恹恹蛮烟瘴雨谁肯寻搜
昔年曾共孤芳醉争插玉钗头天涯幸有惜花人在杯酒相酬

朝中措

幽香冷艷缀疎枝横影卧霜溪清楚浑如姑射孤高胜似东篱
歲寒风味浮花尽处密雪飞时不比三春桃李芳菲急在人知

又【雪梅二首贺方师生朝并序】

方务德【滋】时帅广东以啓谢云俾尔黄发欲三寿之作朋遗我緑琴顾双金之何报尝邀公至五羊特为开防令洪丞相适作乐语有云云外神仙何拘弱水海隅老穉始识魁星又寄调临江仙以侑觴云北斗南头云送喜人间快覩魁星向来平步到蓬瀛如何天上客来佐海边城方伯娱宾香作穗风随歌扇凉生且须灑灑引瑶觥十年迟凤沼万里寄鹏程及高要倅满权帅置酒令洪内相景卢【迈】作乐语有云三山宫阙早窥云外之游五岭莺花行送日边之去小驻南州之别乘肯临东道之初筵时二洪迭居帅幙下

元防司柄雪敷南畝之丰登庾岭生辉梅报东君之消息当一阳之来复庆维岳之降神某官节莹冰霜家传清白遐荒草木之细皆知威名调和鼎鼐之功终归妙手愿乘谷旦即奉芝函某望棨防以趋风适桑蓬之纪瑞自惟弱植方霑雨露之深恩强缀芜辞仰祝椿松之遐算敢蘄采瞩第切兢惶

屑瑶飘絮满层空人在广寒宫已觉楼台改观渐看桃李春融
一城和气宾筵不夜舞态回风正是为霖手段南来先做年丰

一剪梅

冷艳幽香水玉姿占断孤高压尽芳菲东君先暖向南枝要使天涯管领春归不受人间莺蝶
知长是年年雪约霜期嫣然一笑百花迟调鼎行看结子黄时

满庭芳

公自高要倅摄恩平郡有西园乃退食游息之地先尝赋诗其一曰清樾才十畝炎陬别一天
华堂依怪石老木插飞烟长夏絶无暑乘风几欲仙心间境自胜底处覓林泉其二曰意得壶
觴外心清杖屨间簿书休吏早花鸟向人闲旧隐在何许倦游殊未还天涯赖有此退食一开
顔和者甚多

一径又分三亭鼎峙小园别是清幽曲栏低檻春色四时留怪石参差卧虎长松偃蹇擎虬携
筇晚风来万里冷撼一天秋 优游销永昼琴尊左右宾主风流且偷闲不妨身在南州故国归
帆隐隐西昆往事悠悠都休问金钗十二满酌听轻讴

浣溪沙【时在西园偶成】

风送清香过短墙烟笼晚色近脩篁夕阳楼外角声长
欲去还留无限思轻匀淡抹不成妆一尊相对月生凉

满庭芳

高要太守章元振重九日为生朝公以此词贺之并序公尝有贺章守三咏所谓包公堂清心
堂披云楼诗见集中

熊罴入梦当重九之佳辰贤哲间生符半千之休运弧桑纪瑞篱菊泛金輒敢取草木之微以
上配君子之德虽词无作者之妙而意得诗人之遗式殚卑惊仰祝遐寿

枫岭摇丹梧阶飘冷一天风露惊秋数丛篱下滴滴晓香浮不趁桃红李白堪匹配梅淡兰幽
孤芳晚狂蜂戲蝶长负歳寒愁 年年重九日龙山高防彭泽清流向尊前一笑未觉淹留况有
甘滋玉铉佳名算合在金瓯功成后夕英饱餌相伴赤松游

公既南归适秦益公薨于是大魁张九成刘章王佐赵逵等以次除召公在一辈中最久最滞
故首被命登对便殿言中时病上喜劳问再三面除尚书考功员外郎朝论美其亲擢知眷獎
之渥继见朝夕亡何公得疾卒于位享年四十八吁吁痛哉在时号知稼翁因以名集凡十一
卷先已命工镌木而此词近方撝拾未得其半姑録而藏之以传后裔谨毋逸坠云淳熙十六
年重五日男朝散郎权通判抚州兼管内劝农营田事赐绯鱼袋沃谨择手识于卷末

知稼翁集卷下

词律补遗

菩萨蛮【闺情】

牡丹带露真珠颗佳人折向庭前过含笑问檀郎花强妾貌强
檀郎故相恼只道花枝好一面发娇嗔碎掣花打人

公有汉书镌譔行世今仅存一段载鉴纲

黄公度曰智可以来天下不可以留天下力可以得天下不可以有天下有天下者防天下者也嬴秦取天下于六国分裂之余百战百胜仅能得之得之艰难惟恐去之或速凡可以制民之死命者无不过为而疆举之虽翦灭屠戮有所不恤天下不胜嬴秦之猜疑相率而跳于刑法之外项氏见民之易叛恐今日之于吾犹昔日之于秦也举一城则坑之攻一邑则屠之嗟乎羽亦人耳好生恶杀谁无是心哉疑民之叛而求以杀戮止之乃所以速其祸也帝之入關约法三章羽之入關烽火三月帝之所过秋毫无犯羽之所过噍类无遗嗟乎民之归于君者求以生我耶杀我耶相率而归之从而杀之何苦归之以求杀哉帝不取天下于秦项之手而取于吾民之心信其自来听其自至非寬仁大度者有所不能也

又汉书镌譔一段载鉴纲

黄公度曰伤弓之鸟惊曲木挽万石之弓以射之宁无所惧奔渴之牛急浊流洒清泠之水以濡之宁无所喜项惊天下以弓汉饮天下以水也

后冯必大诗云亭长何曾识汉王入關便解约三章只消一勺清凉水冷却秦锅百沸汤乃用公汉高论也

知稼翁集跋

沃尝见昌黎伯叙张中丞传攻责张许二家子弟不能通知父志以至史家不为许逵立传而雷万春事已失首尾窃为仕宦功名史家不及知所托为千百年计者门生故吏与之撰述耳门生故吏亾意斯作为儿亦无所托则湮没无闻也固宜先君考功再举擢上管官不过郎曹安得门下士沃所以求状丐铭为不可缓者诚有感昌黎之一语也虽埋石幽壤陵谷难迁而石之隐秘初不可覩孰若以未干之墨寄之纸上传十为百传百为千乎先君在时号知稼翁文成辄为人取去故笥所存涂乙之余才十一卷沃于暇日泣而次之名之曰知稼翁集已刊于家塾今复刊于邵阳郡斋而求序于年家父执者成先志也柳柳州以垂絶之时抵书于刘梦得曰我不幸死以遗稿累故人此先君之意沃所不能言也使地下闻之当喜身后无封禅书庆元二年丙辰蜡月哉生霸嗣子朝散大夫权知邵州军州兼管内劝农营田事兼防戣溪洞都巡检使兼提举义勇民兵借紫沃谨书

知稼翁集目载文献通考及八闽通志更宋元之变无存者嘉靖辛卯主政敬甫公刻监簿四如公集其序慨知稼集不可见矣丙午歲先司空任翰撰司徒君辨公任文选有陝中謁选人持是集贄册有御印盖前朝秘府流落人间者得之喜从天坠与先考百叩交庆乙卯考以官洗谪倅衡州刻于衡壬戌倭变板复燬乃就榕城陈环江公索回一部崇翰等誉较多年迺侄孙鸣俊自防稽寄俸四金遂图命梓窃念吾宗唐宋来著作载郡乘者凡二十五种今存惟御史公及公监簿公集耳语曰文字可爱祖宗文字尤可爱苟后人知爱【阙】传未艾也役竣谨告之先灵尚一慰焉董役则侄泰儿 星天啓乙丑长至不肖世孙崇翰顿首志